

四庫全書

經部

欽定四庫全書

經部

儀禮鄭經句讀卷十二

詳校官監察御史臣查瑩

侍讀臣孫球覆勘

總校官進士臣繆珙

校對官中書臣嵇承志

謄錄監生臣陳振德

欽定四庫全書

儀禮鄭註句讀卷十二

濟陽張爾岐撰

士喪禮第十二

鄭目錄云士喪其父母自始死至於既殯之禮喪於五禮屬凶大戴第四

喪父母不言喪與長子一者亦依士禮

士喪禮死於適室幰用斂衾

適室正寢之室也疾者齊正寢焉疾時處北牖

下死而遷之南牖下有牀衽幰覆也斂衾大斂所并用之衾衾被也小斂之衾當陳於大記曰始死遷尸于牀

幰用斂衾去死衣○疾者齊以正性情故必於正寢若即安燕寢與側室者是不得其正君大夫士皆小斂一

衾大斂二衾始死大斂未至故且以其一覆尸至大斂則一以為薦一以為覆故註云大斂所并用之衾也不用小斂衾者以小斂時近其衾當陳故不用死衣病時所加新衣也○熅火吳反斂力艷反復者一

人以爵弁服簪裳于衣左何之扱領于帶

復者有司扱竟復竟也天

子則夏采祭僕之屬諸侯則小臣為之爵弁服純衣纁裳也禮以冠名服簪連也○復者招魂使反檀弓所謂孝子盡愛之道有禱祀之心焉者是也復者人數多少各如其命之數士一命故一人簪裳于衣連緇其裳于衣之下也扱領于帶者平疊衣裳使領與帶齊并何於左臂以便升屋也夏采祭僕周禮二官名掌復事者但以純衣纁裳不用爵弁而云爵弁服是升自前東榮中以冠名其服也○簪側林反純側其反

升自前東榮中

屋北面招以衣曰皋某復三降衣于前

北面招求諸幽之義也皋長聲

也某死者之名也復反也降衣下之也喪大記曰凡復男子稱名婦人稱字○榮屋翼也復聲必三者禮成于

三前謂前檐○中如字

受用篚升自阼階以衣尸

受者受之於庭也復者其一人

招則受衣亦一人也人君則司服受之衣尸者覆之若得覓反之○此復衣以覆尸浴則去之不以襲斂○衣

於既復者降自後西榮

不由前降不以虛反也降因徹西北扉若云此室凶不可居然

也自是行死事○註言徹西北扉蓋以喪大記云將沐甸人取所徹廟之西北扉薪用之故云復者降時徹之

其為說近誣○扉扶味反

右復覓復者猶冀其生復而不生始行死事

楔齒用角柶

為將含恐其口閉急也○楔息結反

綴足用燕几

綴猶拘也為將履恐

其辟戾也。今文綴為對。○案記云：綴足用燕，几校在南。御者坐持之。註云：校，脛也。尸南首，几脛在南，以拘足，則不得辟戾矣。是几兩頭有脛，側立此几，並排兩足於兩脛之間，以夾持之也。○綴，丁劣反。奠脯醢醢。

酒升自阼階，奠于尸東。

鬼神無象，設奠以憑依之。○案檀弓曾子曰：始死之奠，其餘闋

也。與餘闋者，闋中之餘食也。疏以為無過一豆一盞醴酒，亦科用其一。

帷堂。

事小記也。○案檀弓曾子

曰：尸未設飾，故帷堂。小斂而徹帷，以此時尚未襲斂，警帷堂以為嚴，故鄭云：事小記。

右事死之初事喪禮。凡二大端，一以奉體魄，一以事

精神。楔齒綴足，奉體魄之始；奠脯醢醢，事精神之始也。

乃赴于君主，人西階東南面，命赴者拜送。

赴，告也。臣君之股肱耳目

死當有恩。○大夫以上父兄命赴者士則主人親命有賓則拜之。賓僚友羣士也其位猶朝夕哭矣。○因命赴遂拜賓不然則不出疏曰云其位猶朝夕哭矣者謂賓弔位猶如賓朝夕哭位其主人之位則異於朝夕而在西階東南面拜之拜訖西階下東面下經所云拜大夫之位是也朝夕哭位詳見後

右使人赴君

入坐于牀東衆主人在其後西面婦人俠牀東面

衆主人庶

昆弟也婦人謂妻妾子姓也亦適妻在前。○入坐云者承上文出命赴拜賓訖復入此位也。○俠古洽反親

者在室

謂大功以上父兄姑姊妹子姓在此者

衆婦人戶外北面衆兄弟

堂下北面

衆婦人衆兄弟小功以下

右主人以下室中哭位愚案主人哭位唯小斂以前
在此小斂後則在階下矣

君使人弔徹帷主人迎于寢門外見賓不哭先入門右

北面

使人士也禮使人必以其爵使者至使人入將命乃出迎之寢門內門也徹帷屋之事畢則下之○

屋羗據反弔者入升自西階東面主人進中庭弔者致命主人

不升賤也致命曰君聞子之喪使某如何主人哭拜稽

不淑○

疏云大夫之子得升受命乃降拜

顙成踊

稽顙頭觸地成踊三者三

賓出主人拜送于外門外

右君使人弔記曰尸在室有君命衆主人不出

君使人祔徹帷主人如初祔者左執領右執要入升致

命

祔之言遺也衣被曰祔致命曰君使某祔○疏曰云主人如初者如上弔時迎于寢門外以下之事也

主人拜如初祔者入衣尸出主人拜送如初

○疏曰云主人拜如

初者亦如上主人進中庭哭拜稽顙成踊

唯君命出升降自西階遂拜賓有

大夫則特拜之即位于西階下東面不踊大夫雖不辭

入也

唯君命出以明大夫以下時來弔祔不出也始喪之日哀戚甚在室故不出拜賓也大夫則特拜別

於士旅拜也即位西階下未忍在主人位也不踊但哭拜而已不辭而主人升入明本不為賓出不成禮也

右君使人祔疏云君祔雖在襲前襲與小斂俱不得

用大斂乃用之

親者祔不將命以即陳

大功以上有同財之義也不將命不使人將之致於主人也即

陳陳在房中

庶兄弟祔使人以將命于室主人拜于位委衣

于尸東牀上

庶兄弟即衆兄弟也變衆言庶容同姓耳將命曰某使某祔拜于位室中位也○委

衣者將命者委之也

朋友祔親以進主人拜委衣如初退哭不踊

親以進親之恩也退下堂反宿位也主人徒哭不踊別於君祔也○委衣如初如其于尸東牀上委之者朋友

也徹衣者執衣如祔以適房

凡於祔者出有司徹衣○疏曰執衣如祔者上文君

祔之時祔者左執領右執要此徹衣者亦左執領右執要故云如祔也

右親者庶兄弟朋友祿

為銘各以其物亡則以緇長半幅經末長終幅廣三寸

書銘于末曰某氏某之柩

銘明旌也雜帛為物大夫之所建也以死者為不可別故

以其旗識識之愛之斯錄之矣亡無也無旗不命之士也半幅一尺終幅二尺在棺為柩今文銘為旆也○輕

丑貞反

竹杠長三尺置于宇西階上

杠銘檀也宇柩也宇檐下也疏云此始

造銘且置宇下西階上待為重訖置于重卒塗殯置于肆○檀丈江反

右為銘

甸人掘坎于階間少西為墜于西牆下東鄉

甸人有司主田野者

塋塊竈西牆中庭之西今文鄉為西。坎以埋沐浴餘
潘及巾衾等塊竈以煮潘水。掘其物反塋音役鄉許
亮反。新盆槃瓶廢敦重鬲皆濯造于西階下。新此瓦器五
種者重死事
盆以盛水槃承湏濯瓶以汲水也。廢敦敦無足者所以
盛米也。重鬲鬲將縣於重者也。濯滌溉也。造至也。猶饌
也以造言之喪事遽。○槃承湏濯置尸牀下
承之。○敦音對重直容反。鬲音歷造七到反。

右沐浴含飯之具陳於階下者

陳襲事于房中西領南上不結

襲事謂衣服也。緒讀為
紵屈也。襲事少上陳而

下不屈江沔之間謂繫收繩索為紵古文緒皆為精。○
不紵者以衣裳少單行列去可盡不須屈轉重列也。

緒註作紵
側庚反

明衣裳用布

所以親身
為圭潔也

簪筭用桑長四寸纓

中

桑之為言喪也。用為筭，取其名也。長四寸，不冠，故也。緩筭之中央，以安髮。○髻，髻也。會聚其髮也。緩中者，

兩頭濶中央狹，則於髮安也。○髻音膾，緩音憂。

布巾環幅不鑿

環幅，廣袤等也。不鑿者，士之子

親舍反，其中而已。大夫以上，賓為之。含當口鑿之，嫌有惡古文環作還。○布巾為飯含而設，所以覆死者面。

廣古曠反，袤音茂。

掩練帛，廣終幅長五尺，折其末。

掩，裹首也。折其末為將結

於頤下，又還結於項中。

瑱用白纊

瑱，充耳纊。新綿。瑱他見反。

幠目用緇方尺

二寸，經裏著組繫。

幠，目覆面者也。幠讀若詩曰葛藟繫之之繫。經亦也。著充之以絮也。組繫

為可結也。○四角有繫於後結之。○幠音縈。

握手用玄纁，裏長尺二寸，廣五

寸，牢中旁寸著組繫。

牢，讀為樓樓，謂削約握之中央以安手也。今文樓為緩旁為方。○牢

中旁寸者削約其中一段之兩旁各一寸兩頭
皆廣五寸中央容四指處廣三寸也○牢音樓決用正

王棘若擇棘組繫續極二

決猶閨也挾弓以橫執弦詩
云決拾既伙正善也王棘與

擇棘善理堅刃者皆可以為決極猶放弦也以脊指放
弦令不挈指也生者以朱韋為之而三死用續又二明
不用也古文王為三今文擇為澤世俗謂王棘砭鼠○
決著于右手巨指極冒於食指中指無名指皆射所用
具備之以象生平組繫極
之繫也○擇音澤砭音託冒緇質長與手齊經殺掩足

冒韜尸者制如直囊上曰質下曰殺質正也其用之先
以殺韜足而上後以質韜首而下齊手上立下續象天
地也喪大記曰君錦冒黼殺緇旁七大夫玄冒黼殺緇
旁五士緇冒經殺緇旁三凡冒質長與手齊殺三尺○
緇旁者緇質與殺相接之處使
相連也○冒亡報反殺所界反爵弁服純衣
謂生時爵弁所衣之

服也純衣者纁裳古者以冠名服死者不冠○**皮弁服**

爵弁服即士之常服以助祭者也○純莊其反

皮弁所衣之服也其服白布衣素裳也○皮弁者於天子為視朝之服諸侯大夫士則為視朔之服也

衣黑衣裳赤緣之謂緣緣之言緣也所以表袍者也喪大記曰衣必有裳袍必有表不禪謂之一稱古文緣

為緣○疏云此緣衣則玄端又云連衣裳以其用之以表袍袍連衣裳故也又引雜記子羔襲用稅衣纁襦曾

子曰不襲婦服則此緣衣不用赤緣註云赤緣之謂緣者只證其名同耳○緣他亂反

緹帶黑緹服○疏云上陳三帶同用一帶

鞅鞅一命韁韁○合赤韋為之故名鞅帶矣○鞅音妹鞅音弗

竹筩筩所以書恩對命者玉藻曰答反韁音溫鞅音弗

儀禮鄭注句讀

七

於天下也諸侯茶前誡後直讓於天子也大夫前誡後誡無所不讓今文笏作忽

夏葛屨冬白

屨皆縹緇絢純組綦繫于踵

冬皮屨變言白者明夏時用葛亦白也此皮弁之屨

士冠禮曰素積白屨以魁拊之緇絢縹純純博寸綦屨係也所以拘止屨也綦讀如馬絆綦之綦○按士冠禮云素積白屨此皮弁之屨也疏云三服相參帶用玄端屨用皮弁黼韜用爵弁各用其一以當三服又云縹謂條在牙底相接之縫中絢在屨翼純謂緣口皆以條為之○縹於力反綦音其絢其于反拊方于反底韜繼陳不用底衆也不用不用襲也多陳之為榮少納之為貴○庶韜親者庶兄弟朋友所韜繼陳謂繼襲衣之下陳之此不用以襲至小斂則用之唯君韜至大斂乃用也

右陳襲事所用衣物于房中

貝三實于筭

貝水物古者以為貨
江水出焉筭竹器名

稻米一豆實於筐

四豆

升沐巾一浴巾二皆用絺於筭

巾所以拭汗垢浴巾二
者上體下體異也絺麤

葛○疏云此士禮上下同用絺玉藻云
浴用二巾上絺下絺彼據大夫以上

櫛於篋

篋篋

浴

衣於篋

浴衣已浴所衣之衣以布為之其制
如今通裁○浴衣既浴著之以肺身

皆饌于西

序下南上

皆者皆貝以下東西牆
謂之序中以南謂之堂

右沐浴飯舍之具陳于序下者

管人汲不說繻屈之

管人有司主館舍者不說繻將以
就祝濯米屈縈也○喪事遽故汲

水者不解脫其縈但縈屈
之往就用處○繻君必反

祝祈米于堂南面用盆

祝夏
祝也

也浙沃

管人盡階不升堂受潘煮于俎用重鬲

盡階三等之上喪大

記曰管人受沐乃煮之甸人取所徹廟之西北扉薪爨之。潘浙米汁所用以沐者也。潘芳元反。祝盛

米于敦奠于貝北

復於管處也。盛音成。

士有冰用夷槃可也

夏謂

月而君加賜冰也。夷槃承尸之槃。喪大記曰君設大槃造冰焉。大夫設夷槃造冰焉。士併瓦槃。無冰設牀。禮第有枕。○夷槃造冰。本大夫禮。君加賜有冰則用夷槃可也。造猶內也。○禮之善反第莊矣反。外御受

沐入

外御小臣侍從者。沐管人所煮潘也。

主人皆出戶外北面

象生平沐浴裸程子

孫不在旁。主人出而禮第。○禮第去席。盆水便也。

乃沐櫛拒用巾

拒睇也。清也。古文拒皆作

振。○疏云拒謂拭也。櫛訖又以巾拭髮。拭訖仍未作。紒待蚤揃訖乃髻用組是其次也。○拒之慎反。揃同翦。

浴用巾拒用浴衣

浴用巾用拭之也喪大記曰御者二人浴浴水用盆沃水用料○料音主

湏濯棄于坎

沐浴餘潘水中擗浴衣亦并棄之古文湏作緣荆沔之間語

蚤揃如他

日

蚤讀為爪斷爪揃鬚也人君則小臣為之他日平生時○蚤字一讀如云蚤則揃之揃鬚雖本喪大記恐

非此處經意○蚤音爪下髻蚤同揃子前反

髻用組乃筭設明衣裳

用組組束髮也

古文髻皆為括○疏云髻紒乃可設明衣以蔽體是其次也

主人入即位

已設明衣可以入也

右沐浴

商祝襲祭服祿衣次

商祝祝習商禮者商人教之以敬於接神宜襲布衣牀上祭服爵弁

服皮弁服皆從君助祭之服大蜡有皮弁素服而祭送終之禮也襲衣於牀牀次含牀之東衽如初也喪大記

曰含一牀襲一牀遷尸於堂又一牀○此但布衣牀上
尚未襲而云襲者衣與衣相襲而布之也其布衣先祭
服次祿衣至襲于尸則主人出南面左袒扱諸面之右
祿衣近明祭服在外

盥于盆上洗貝執以入宰洗柩建于米執以從

俱入尸西鄉也

今文宰不言執○扱諸面之右面前也謂袒左袖扱於
右腋之下帶之內盆即前浙米盆盥手洗貝洗柩并於
其上洗貝執以入洗訖還於筭內執以商祝執巾從入
入宰洗柩建于米亦於廢敷之內建之

當牖北面徹枕設巾徹楔受貝奠于尸西

當牖北面直尸南也設巾

覆面為飯之遺落米也如商祝之事位則尸南首明矣
○疏曰云受貝者就尸東主人邊受取筭貝從尸南過
奠尸西牀上以主人由足西牀上坐東面

不敢從首前也祝受貝米

待主人親含也

奠之口實不由足也。○祝受貝由尸南奠尸西故主人空手由足過祝又受米奠于貝北

宰從立于牀西在右

米在貝北便扱者也宰立牀西在主人之右當左飯事。○祝於宰邊

受米訖宰亦從主人由足而西

主人左扱米實于右三實一貝左中亦

如之又實米唯盈

于右尸口之右唯盈取滿而已。○疏云右謂口東邊也

主人襲

反位

襲復衣也位在尸東

右飯含

商祝掩瑱設幙目乃屨綦結于跗連紃

掩者先結頤下既瑱幙目乃還

結項也跗足上也紃屨飾如刀衣鼻在屨頭上以餘紃連之止足圻也。○疏云掩有四腳後二腳先結頤下待

設瑱塞耳并設幪目乃結項後也連紃者屨繫既結以餘組穿連兩屨之紃使兩足不相離也○跣芳于反

乃襲三稱

遷尸於襲上而衣之凡衣死者左衽不紐襲不言設牀又不言遷尸於襲上以其居當牀

無大異○三稱爵弁服皮弁服祿衣也上文已布之舍東牀上今飯含訖乃遷尸就其上而衣之也左衽不紐

出喪大記衽鄉左反生時也不紐謂明衣不在奠莫數束畢結之示不復解也○稱尺證反

在數明衣禪衣不成稱也○註疏皆以明衣禪不成稱故不莫愚謂此親體之衣非法服故不莫也設韜

帶搢笏

韜帶韜韜帶緇帶不言韜緇者省文亦欲見韜自有帶韜帶用革搢插也插於帶之右旁古文韜

為合也○疏云生時緇帶以束衣革帶以佩韜玉之等生時有二帶死亦備此二帶設決麗于擊

自飯持之設握乃連擊

麗施也擊手後節中也飯大擘指本也決以韋為之籍有彊彊

內端為紐外端有橫帶設之以紐揅大擘本也因脊其
脈以橫帶貫紐結於擊之表也設握者以綦繫鈎中指
由手表與決帶之餘連結之此謂右手也古文麗亦為
連擊作挽○其左手無決者則下記云設握裏親膚繫
鈎中指結于擊是也○擊設冒橐之撫用衾橐韜盛物者取事名
烏亂反張苦侯反揅音患
馬衾者始死時斂衾今
文橐為橐○橐古刀反
巾衾衾蚤埋于坎也坎至此築之
既則反之○巾衾用以飯含者髻亂髮蚤手足爪辟奠
即始死之奠設于尸東者方襲時辟之襲訖則反之尸
東此奠襲後又名
襲奠○髻音婢

右襲尸

重木刊鑿之甸人置重于中庭三分庭一在南

木也懸物焉曰

重刊斷治鑿之為縣簪孔也士重木長三尺○設重以
依神以其木有物懸于下相重累故得重名即下文二
鬲粥也參分庭一在南者其置重處當中庭三分之一
而在其南其北一分其南二分也據既夕篇置重如初
疏云亦如上篇三分庭一在南二在北而置之是置重
處在中庭近南愚謂重以依神若置之近南殆若推而
遠之矣且參分庭句一在南句亦覺不文案本經言參
分庭一在南者不一其自外入而言參分庭一在南者
据外而言近南者也其自內出而言參分庭一
在南者据內而言近北者也重固自內出者也

夏祝鬻

餘飯用二鬲于西牆下

夏祝祝習夏禮者也夏人教以
忠其於養宜鬻餘飯以飯尸餘

米為鬻也重主道也士二鬲則大夫四諸侯六天子八
與簋同差○上文甸人為竈西牆下至此夏祝以飯尸
餘米煮為粥
而盛于鬲
冪用疏布久之繫用幹縣于重冪用葦席

北面左衽帶用鞿賀之結于後

久讀為炙謂以蓋塞隔口也鞿竹筴也以席覆

重辟屈而反兩端交於後左衽西端在上賀加也古文冪皆作密○以粗布為隔之冪塞今堅固可久以竹筴為索繫隔貫重木簪孔中而懸之又以葦席北向掩重東端為下向西西端為上向東又以竹筴為帶加束之而結于後○鞿圖解鞿幾通張鳳翔本鞿音今字彙音琴筴音幾

祝取銘置于重

祝習周禮

也者

右設重以上並始死之日所用之禮

厥明陳衣于房南領西上綰絞橫三縮一廣終幅析其

末

綰屈也絞所以收束衣服為堅急者也以布為之縮從也橫者三幅從者一幅析其末者今可結也喪大

記曰絞一幅為三。○厥明者繼昨日而言死之第二緇日也。此下為將小斂陳其衣物奠牲。○從子容反。祭

衾纁裏無紃

紃被識也。斂衣或倒被無別於前後可也。凡衾制同皆五幅也。○紃丁感反。

祭

服次

爵弁服皮弁服

散衣次

祿衣以下袍繭之屬

凡十有九稱

祭服與散衣

陳

衣繼之

庶

不必盡用

取稱而已不務多。○盡津忍反。

右陳小斂衣

饌于東堂下脯醢醴酒冪奠用功布實于簞在饌東

功布

鍛濯反治之布也。凡在東西堂下者南齊站古文奠為尊。○站在堂隅。

設盆盥于饌東有

巾

為奠設盥也喪事略故無洗也。○為設奠人設

右饌小斂奠及設東方之盥

苴經大鬲下本在左要經小焉散帶垂長三尺牡麻經

右本在上亦散帶垂皆饌于東方

苴經斬衰之經也苴麻者其貌苴以為經

服重者尚麤惡經之言實也鬲搯也中人之手搯圓九寸經帶之差自此出焉下本在左重服統於內而本陽也要經小焉五分去一牡麻經者齊衰以下之經也牡麻經者其貌易服輕者宜差好也右本在上服輕本於陰而統於外散帶之垂者男子之道文多變也饌于東方東坫之南苴經為上○疏云此小斂經有散麻帶垂之至三日成服絞之婦人初而絞之與小功以下男子同饌于東方堂上坫南非堂下也○鬲音革差初賣反

婦人之帶牡麻結本在房

婦人亦有苴經但言帶者記其異此齊衰婦人斬衰婦人

亦有道
經也

右陳小斂經帶

牀第夷衾饌于西坵南

第簣也夷衾覆尸之衾喪大記曰自小斂以往用夷衾夷衾質

殺之裁猶冒也○夷衾之制如作冒者上以緇為質下以赭為殺但連而裁之為不同耳西方盥如

東方

為舉者設盥也如東方者亦用盆布巾饌於西堂下○舉者為將舉尸者

右陳牀第夷衾及西方之盥

陳一鼎于寢門外當東塾少南西面其實特豚四髡去

蹄兩肱脊肺設局鼐鼐西末素俎在鼎西西順覆匕東

柄

鬲解也四解之殊肩髀而已喪事略去蹄去其甲為不潔清也胎脅也素俎喪尚質既饌將小斂則辟襲

奠今文鬲為剔胎為迫古文羅為密○疏云辟襲奠亦當於室之西南隅如將大斂辟小斂奠於序西南也○

鬲他歷反
胎音博

右陳鼎實○以上小斂待用衣物計五節

士盥二人以竝東面立于西階下

立俟舉尸也今文竝為併○舉尸謂從襲

牀遷尸於尸內服上

布席于戶內下莞上簟

有司布斂席也

商祝布絞衾

散衣祭服祭服不倒美者在中

斂者趨方或僂倒衣裳祭服尊不倒之也美善

也善衣後布於斂則在中也既後布祭服而又言善者在申明每服非一稱也○按疏云斂衣半在尸上是有

藉者有覆者既云十九稱取法天地之終數當以十為藉九為覆也其斂法於尸內地土布席席上布紵衾紵衾上布衣遷尸衣上復用衣加尸上乃結紵衾也士舉遷尸反位遷尸於設牀

第于兩楹之間衽如初有枕

衽寢臥之席也亦下莞上簟○此牀待斂後俛尸衽

如初如尸內之莞簟也

卒斂徹帷

尸已飾

主人西面馮尸踊無算主

婦東面馮亦如之

馮服膺之○馮音憑下同

主人髻髮袒眾主人免

于房

始死將斬衰者難斯將齊衰者素冠今至小斂變又將初喪服也髻髮者去笄纓而紒眾主人免者

齊衰將袒以免代冠冠服之尤尊不以袒也免之制未聞舊說以為如冠狀廣一寸喪服小記曰斬衰髻髮以麻免而以布此用麻布為之狀如今之著慘頭矣自項中而前交於額上卻繞紒也于房于室釋髻髮宜於隱

者今文免皆作絕古文髻作婦人髻于室始死婦人將

括○髻音括免音問絕音問

斬衰者去筭

而纚將齊衰者骨筭而纚今言髻者亦去筭纚而紒也

齊衰以上至筭猶髻髻之異於髻髮者既去纚而以髮為大紒如今婦人露紒其象也檀弓曰南宮縚之妻之姑之喪夫子誨之髻曰爾無縱縱爾爾母扈扈爾其用麻布亦如著慘頭然○髻側爪反士舉男女奉尸俛于堂輿用夷衾男

女如室位踊無算

俛之言尸也夷衾覆尸柩之衾也堂謂楹間牀第上也今文俛作夷○疏

云初死輿用大斂之衾以小斂之衾當陳今小斂後大斂之衾當擬大斂故用覆棺之夷衾以覆尸也○俛音

夷主人出于足降自西階衆主人東即位婦人阼階上

西面主人拜賓大夫特拜士旅之即位踊襲經于序東

復位

拜賓鄉賓位拜之也即位踊東方位襲經于序東東夾前○主人降西階拜賓訖嚮東方阼階下即

西面位踊踊訖襲經主人

至此始即阼階下位也

右小斂俛尸及主人主婦袒髻免髻襲經之節

乃奠

祝與執事為之

舉者盥右執匕卻之左執俎橫攝之入阼

階前西面錯錯俎北面

舉者盥出門舉鼎者右人以右手執匕左人以左手執俎因其

便也攝持也西面錯錯鼎於此宜西面錯俎北面俎宜西順之○錯七故反下同

右人左執匕

抽扃予在手兼執之取鼎委于鼎北加扃不坐

抽扃取鼎加扃

於鼎上皆右手今文扃為鉉古文予為于鼎為密

乃杞載載兩髀于兩端兩肩

亞兩胎亞脊肺在於中皆覆進祇執而俟

乃牝以牝次出牲體右人

也載受而載於俎左人也亞次也凡七體皆覆為塵祇本也進本者未異於生也骨有本末古文牝為匕髀為脾今文胎為迫祇皆為祇○皆覆謂牲體皆覆設之○牝必李反抵丁計反祇音帝夏祝及執事

盥執醴先酒脯醢俎從升自阼階丈夫踊甸人徹鼎中

待于阼階下

執事者諸執奠事者巾功布也執者不升已不設祝既錯醴將受之

奠于尸

東執醴酒北面西上

執醴酒者先升尊也立而俟後錯要成也

豆錯俎錯于

豆東立于俎北西上醴酒錯于豆南祝受巾中之由足

降自西階婦人踊奠者由重南東丈夫踊

巾之為塵也東反其位○

立于俎北西上奠豆俎之人也俟祝畢事同由足降自西階疏云主人位在阼階下婦人位在上故奠者升丈夫踊奠者降婦人踊各以所見先後為踊之節也奠者由重南東丈夫踊者奠者奠訖主人見之更與主人為踊節也又以其重主道神所憑依故必由重南東過是以主人又踊也

賓出主人拜送于

門外

廟門外也○此賓為小斂來者註云廟即此適室蓋以鬼神所在則曰廟故名適寢為廟也

右小斂奠

乃代哭不以官

代更也孝子始有親喪悲哀憔悴禮防其以死傷生使之更哭不絕聲而已人

君以官尊卑士賤以親疏為之三日之後哭無時周禮挈壺氏凡喪縣壺以代哭○喪大記君喪縣壺乃官代哭大夫官代哭不縣壺士代哭不以官

此小斂後節哀之事

有禭者則將命擯者出請入告主人待于位

喪禮略於威儀既小

斂擯者乃用辭出請之

辭曰孤某使某請事

擯者出告須以賓入

須亦待也出告之辭

曰孤某須矣

賓入中庭北面致命主人拜稽顙賓升自西階

出于足西面委衣如於室禮降出主人出拜送

○如於室禮亦

委衣尸東牀上也

朋友親禭如初儀西階東北面哭踊三降主

人不踊

朋友既委衣又還哭於西階上不背主人

禭者以褶則必有裳執衣

如初徹衣者亦如之升降自西階以東

帛為褶無絮雖複與禪同有裳

乃成稱不用表也以東藏以待事也古文褶為襲執衣如初謂左執領右執要如君祔時○褶音牒

右小斂後致祔之儀○以上皆親喪第二日禮

宵為燎于中庭

宵夜也燎大燄○按下記云既襲宵為燎于中庭是未殯時夜皆設燎也○燎

力召反

厥明滅燎陳衣于房南領西上綰絞紵衾二君祔

祭服散衣庶祔凡三十稱紵不在算不必盡用

紵單被也衾二

者始死斂衾今又復制也小斂衣數自天子達大斂則異矣喪大記曰大斂布絞縮者三橫者三○紵其煇反

東方之饌兩瓦甒其實醴酒角觶木枲豆兩其實葵

菹芋羸醢兩籩無滕布巾其實栗不擇脯四脰

此饌但言東方

則亦在東堂下也。髡白也。齊人或名全，道為芋，膝綠也。詩云：竹秘緄，滕布中，籩中。也。籩，豆具而有中，盛之也。特牲饋食禮有籩巾。今文：羸為蝸，古文：滕為甸。○緄，亡甫反。髡，音曷。羸，力禾反。滕，大登反。臙，大頂反。緄，古本反。

奠席在饌北，斂席在其東。

大斂奠而有席，彌神之。

掘肆見衽。

肆，埋棺之。

坎也。掘之於西階上，衽小要也。喪大記曰：君殯用輶，攢至于上，畢塗屋，大夫殯以輶，攢置于西序塗，不暨于棺。士殯見衽塗上，帷之。又曰：君蓋用漆三衽三束，大夫蓋用漆二衽二束，士蓋不用漆二衽二束。○見衽者，其所掘坎淺深之節也。衽小要也，所以聯合棺蓋縫者。今謂之銀鉞扣見衽者，坎不沒棺，其衽見於上，註引喪大記三衽三束謂每一面三處用衽，又以皮三處束之也。○肆以二反，衽而甚反，要一遙反。輶，喪大記音春，攢在官反。棺入，主人不哭，升棺用軸，蓋在下。

軸，輶軸也。輶狀如牀，軸其輪輓而行。

○軸長六反
軼九勇反

熬黍稷各二筐有魚腊饌于西坩南

熬所以感

蚍蜉令不至棺旁也為舉者
設盆盥於西○熬五刀反

陳三鼎于門外北上豚合

升魚鱠鮓九腊左胖髀不升其他皆如初

合升合左右體升於鼎其

他皆如初謂豚體及匕俎之陳如小斂時合升
四場亦相互耳○鱠市轉反鮓音附胖音判

燭俟于

饌東

燭燋也饌東方之饌有燭者堂雖明室猶闇火在地曰燎執之曰燭

右陳大斂衣奠及殯具

祝徹盥于門外入升自阼階丈夫踊

祝徹祝與有司當徹小斂之奠者小

斂設盥于饌東有巾大斂設盥于門外彌有威儀○祝
徹謂祝與徹二事之人疏云陳大斂饌訖當設盥於門

外 祝徹巾授執事者以待授執巾者於尸東使先待於阼階下為大斂奠又將巾之

祝還徹醴也○巾覆小斂奠者也今徹奠故先徹巾待設大斂奠復用之 徹饌先取醴酒北

面北面立相待俱降其餘取先設者出于足降自西階婦人踊

設于序西南當西榮如設于堂為求神於庭孝子不忍使其親須臾無所馮依

也堂謂尸東也凡奠設于序西南者畢事而去之○疏云但將設後奠則徹先奠於西序南後奠事畢則去之

醴酒位如初執事豆北南面東上如初者如其醴酒北面西上也執醴尊不

為便事變位○醴酒執醴執酒之人執事執豆俎乃適之人立于豆北相待設酒醴訖同東適新饌也

饌東方之新饌○執事者適新饌處以待事

右徹小斂奠

帷堂

徹事畢。殆為大斂將遷尸故帷之。

婦人尸西東面主人及親者升

自西階出于足西面袒

袒大斂變也。不言髻免髻髮小斂以來自若矣。

士盥位

如初

亦既盥竝立西階下。

布席如初

亦下莞上簟鋪於阼階上於楹間為少南。

商祝布

絞衾衾衣美者在外君襚不倒

至此乃用君襚主人先自盡。

有大夫

則告

後來者則告以方斂非斂時則當降拜之。○註解有大夫為後來者以此日大夫皆為視斂來其蚤。

至者則升自西階北面視斂如記所陳也。

士舉遷尸復位主人踊無算卒斂

徹帷主人馮如初主婦亦如之

疏曰士舉遷尸謂從尸外夷牀上遷尸於斂上。

右大斂

主人奉尸斂于棺踊如初乃蓋

棺在殯中斂尸焉所謂殯也檀弓曰殯于客位

主人降拜大夫之後至者北面視殯

北面於西階東

衆主人復

位婦人東復位

阼階上下之位

設熬旁一筐乃塗踊無算

以木覆棺

上而塗之為火備

卒塗祝取銘置于殯主人復位踊襲

為銘設柏樹之

殯

右殯

乃奠燭升自阼階祝執巾席從設于輿東面

執燭者先升堂照室

自是不復奠於尸祝執巾與執席者從入為安神
位室中西南隅謂之與執燭南面巾委於席右

降及執事執饌

東方之饌

士盥舉鼎入西面北上如初載魚

左首進鬯三列腊進抵

如初如小飲舉鼎執已俎局罷北載之儀魚左首設而在南鬯

脊也左首進鬯亦未異於生也凡未異於生者不致死也古文首為手鬯為耆○疏云案公食右首進鬯此云左首則與生異而云亦未異於生者彼公食言右首據席而言此左首據載者而言若設於席則亦右首也○

鬯巨之反祝執醴如初酒豆籩俎從升自阼階丈夫踊甸人

徹鼎

如初祝先升

奠由楹內入于室醴酒北面

亦如初

設豆右

菹菹南栗栗東脯豚當豆魚次腊特于俎北醴酒在籩

南巾如初

右道道在醴南也此左右異於魚者載者統於執設者統於席醴當栗南酒當脯南○註

載者二句言方其載俎時則以執者之左右為左右及設於席則以席之左右為左右也既錯者出

立于戶西西上祝後闔戶先由楹西降自西階婦人踊

奠者由重南東丈夫踊

為神馮依之也
○闔戶臘反

右大斂奠

賓出婦人踊主人拜送于門外入及兄弟北面哭殯兄

弟出主人拜送于門外

小功以下至此可以歸異門大功亦存焉

衆主人出

門哭止皆西面于東方闔門

○東方門外之東方闔門內入闔廟門

主人

揖就次

次謂斬衰倚廬齊衰聖室也大功有帷帳小功總麻有牀第可也○揖就次相揖各就其次也

○聖於各反

右大斂畢送賓送兄弟及出就次之儀

君若有賜焉則視斂既布衣君至

賜恩惠也斂大斂君視大斂皮弁服襲衰

主人成服之後往則錫衰

主人出迎于外門外見馬首不哭還入門

右北面及衆主人袒

不哭厭於君不敢伸其私恩

巫止于廟門外祝

代之小臣二人執戈先二人後

巫掌招魂以除疾病小臣掌正君之法儀者周

禮男巫王弔則與祝前喪祝王弔則與巫前檀弓曰君臨臣喪以巫祝挑荊執戈以惡之所以異於生也皆天

子之禮諸侯臨臣之喪則使祝代巫執荊居前下天子也小臣君行則在前後君升則俠阼階北面凡宮有鬼神曰君釋采入門主人辟釋采者祝為君禮門神也必禮門神者明君無故不來也

禮運曰諸侯非問疾弔喪而入諸臣之家是謂君臣為讒○采七代反君升自阼階西鄉

祝負墉南面主人中庭祝南面房中東鄉君墻謂之墉主人中庭進益北○祝相君之

禮故須鄉君君哭主人哭拜稽顙成踊出出不敢必君之卒斂事君命

反行事主人復位大斂事君升主人主人西楹東北面命主

人使升公卿大夫繼主人東上乃斂公大國之孤四命也春秋傳曰吾公

在壑谷○繼主人繼主人而西卒公卿大夫逆降復位主人降出逆降者後

升者先降位如朝夕哭弔之位。○疏云卒者謂卒斂也。主人降出者亦是不敢久留君出謂主人出鄉門外立。

君反主人主人中庭君坐撫當心主人拜稽顙成踊出。

撫手案之凡馮尸與必踊今文無成君反之復初位衆主人辟于東壁南。

面以君將降也南面則當牀之東。○疏云初位即中庭位。○辟婢亦反。君降西鄉命主人。

馮尸主人升自西階由足西面馮尸不當君所踊主婦。

東面馮亦如之。君必降者欲孝子盡其情。○不當君所不當君所撫之處也。奉尸斂。

于棺乃蓋主人降出君反之入門左視塗。殯在西階上入門左由便。

趨疾不敢久留君。君升即位衆主人復位卒塗主人出君命之。

反奠入門右

亦復中庭位。衆主人復位自東復阼階下位註亦復中庭位釋入門右謂在門右

南北當中庭也

乃奠升自西階

以君在阼。疏云凡奠皆升自阼階為君在阼故辟之而升西

階也

君要節而踊主人從踊

節謂執奠始升階及既奠由重南東時也

卒奠主

人出哭者止

以君將出不敢謹罵聒尊者也

君出門廟中哭主人不哭

辟君式之

辟逵適辟位也古者立乘式謂小俛以禮主人也曲禮曰立視五雋式視馬尾。雋曲禮

音携

貳車畢乘主人哭拜送

貳車副車也其數各視其命之等君出使異姓之士乘之

在後君弔蓋乘象輅曲禮曰乘君之乘車不敢曠左左必式

襲入即位衆主人襲拜

大夫之後至者成踊

後至布衣而後來者。疏云若未布衣時來即入前卿大夫從君之

內賓出主人拜送

自賓出以下如君不在之儀。謂如前章所陳賓出諸儀。

右君臨視大斂之儀以上皆喪親第三日事

三日成服杖拜君命及衆賓不拜棺中之賜

既殯之明日全三日

始歎粥矣禮尊者加惠明日必往拜謝之棺中之賜不施已也曲禮曰生與來日○疏曰引曲禮者彼註云與猶數也生數來日謂成服杖以死明日日數也死數往日謂殯斂以死日數也

右成服經云三日除死日數之實則喪之第四日

朝夕哭不辟子卯

既殯之後朝夕及哀至乃哭不代哭也子卯桀紂亡日凶事不辟吉事闕

焉婦人即位于堂南上哭丈夫即位于門外西面北上

外兄弟在其南南上賓繼之北上門東北面西上門西

北面東上西方東面北上主人即位辟門

外兄弟異姓有服者也辟

開也凡廟門有事則開無事則閉。疏云此外位丈夫亦哭但文不備

婦人拊心不哭

有

事止謹罷。疏云方有事謂徹大斂奠設朝奠。拊芳甫反

主人拜賓旁三右還入

門哭婦人踊

先西面拜乃南面拜東面拜也。主人朝自廬中詣殯官門外即位哭此時衆賓來

弔其拜之如此拜畢乃入門

主人堂下直東序西面兄弟皆即位如

外位卿大夫在主人之南諸公門東少進他國之異爵

者門西少進敵則先拜他國之賓凡異爵者拜諸其位

賓皆即此位乃哭盡哀止主人乃右還拜之如外位矣兄弟齊衰大功者主人哭則哭小功緦麻亦即位乃哭上言賓此言卿大夫明其亦賓爾少進前於列異爵卿大夫也他國卿大夫亦前於列尊之拜諸其位就其位特拜○主人入即堂下之位賓入哭其拜之如此疏云此內位不言外兄弟以其雖在主人之南少退故卿大夫繼主人而言諸公少進謂進於士此所陳位不言士之屬吏當亦在門右又在賓之後也○直音值

者盥于門外燭先入升自阼階丈夫踊

徹者徹大斂之宿奠

祝取

醴北面取酒立于其東取豆籩俎南面西上祝先出酒

豆籩俎序從降自西階婦人踊

序次也○疏云祝執醴在先次酒次豆籩次俎

為次第也設于序西南直西榮醴酒北面西上豆西面錯立

于豆北南面籩俎既錯立于執豆之西東上酒錯復位

醴錯于西遂先由主人之北適饌

遂先者明祝不復位也適饌適新饌將復

奠

乃奠醴酒脯醢升丈夫踊入如初設不巾

入入於室也如初設

者豆先次簋次酒次醴也不巾無菹無栗也菹栗具則有俎有俎乃巾之

錯者出立于戶西

西上滅燭出祝闔門先降自西階婦人踊奠者由重南

東丈夫踊賓出婦人踊主人拜送

哭止乃奠奠則禮畢矣今文無拜○註哭

止乃奠約略朝夕奠之節而言也

衆主人出婦人踊出門哭止皆復位

闔門主人卒拜送賓揖衆主人乃就次

右朝夕哭奠自第四日至葬前竝用此禮

朔月奠用特豚魚腊陳三鼎如初東方之饌亦如之

朔月

月朔日也自大夫以上月半又奠如初者謂大斂時無籩有黍稷用瓦敦有蓋當

籩位

黍稷併於甌北也於是始有黍稷死者之於朔月半猶平常之朝夕大祥之後則四時祭焉○朝

夕之奠有醴酒豆籩而無黍稷至月朔殷奠乃有黍稷如平時常食者以下室又自有燕養之饌故雖不設黍稷而不為薄也既奠殯官又饋主人拜賓如朝夕哭卒

下室者莫必神之所在故也

徹

徹宿奠也

舉鼎入升皆如初奠之儀卒柩釋匕于鼎俎行

柩者逆出甸人徹鼎其序醴酒醢醢黍稷俎

俎行者俎後執執俎

者行鼎可以出
其序升入之次

其設于室豆錯俎錯腊特黍稷當籩位

敦啓會卻諸其南醴酒位如初

當籩位俎南黍黍東稷會蓋也今文無敦○疏

曰知當籩位俎南黍黍東稷者依特牲所設為之也○會古外反

祝與執豆者巾乃出

共為之也

主人要節而踊皆如朝夕哭之儀月半不殷奠

殷盛

也士月半不復如朔盛奠下尊者

有薦新如朔奠

薦五穀若時果物新出者

徹朔奠

先取醴酒其餘取先設者敦啓會面足序出如入

啓會徹時

不復蓋也面足執之今足間鄉前也敦有足則敦之形如今酒敦

其設于外如于室

外序

南 西

右朔月奠及薦新

筮宅冢人營之

宅葬居也冢人有司掌墓地兆域者營猶度也詩云經之營之

掘四隅

外其壤掘中南其壤

為葬將北首故也

既朝哭主人皆往兆南

北面免經

兆域也新營之處免經者求吉不敢純凶○免如字

命筮者在主人之

右

命尊者宜由右出也少儀曰贊幣自左詔辭自右

筮者東面抽上韝兼執之

南面受命

韝藏筮之器也兼與筮執之今文無無○韝音獨

命曰哀子某為其

父某甫筮宅度茲幽宅兆基無有後艱

某甫且字也若言山甫孔甫矣

宅居也度謀也茲此也基始也言為其父筮葬居今謀此以為幽冥居兆域之始得無後將有艱難乎艱難謂

有非常若崩壞也孝經曰卜其宅兆而安厝之古文無兆基作期○註某甫且字也且者聊且虛擬之謂以其人無可指故曰某以虛擬之兆基域兆之基址也古文期無有後艱義意自備筮人許諾不述

命右還北面指中封而筮卦者在左

述循也既受命而申言之曰述不述

者士禮略凡筮因會命筮為述命中封中央壤也卦者識爻卦畫地者古文述皆作術

卒筮執卦

以示命筮者命筮者受視反之東面旅占卒進告于命

筮者與主人占之曰從

卒筮卦者寫卦示主人乃受而執之旅衆也反與其屬共占之

謂掌連山歸藏周易者從猶吉也

主人經哭不踊若不從筮擇如初儀

更擇地而筮之

歸殯前北面哭不踊

易位而哭明非常○疏曰朝夕哭當在阼階下西面

今筮宅來北面哭者
是易位非常故也

右筮宅兆

既井椁主人西面拜工左還椁反位哭不踊婦人哭于

堂

既已也匠人為椁刊治其材以井構於殯門外也反位拜位也既哭之則往施之竈中矣主人還椁亦以

既朝哭矣○左還椁循行一週視其良楮也

獻材于殯門外西面北上請主

人徧視之如哭椁獻素獻成亦如之

材明器之材視之亦拜工左還形法

定為素飾治畢為成○檀弓云既殯旬而布材與明器經言還椁獻材在筮宅卜日之間知彼二事俱在旬內

外也○徧音遍

右哭樽哭器

卜日既朝哭皆復外位卜人先奠龜于西塾上南首有

席楚煇置于燋在龜東

楚荊也荆煇所以鑽灼龜者燋炬也所以燃火者也周禮華氏

掌共燋契以待卜事凡卜以明火爇燋遂灼其煇契以授卜師遂以役之○周禮所謂燋即此燋所謂煇契即此楚煇也○煇存悶反燋哉約反

墓時髓反煇音俊藝如悅反族長涖卜及宗人吉服立于門西東面南上占者三人在其南北上卜人及執

燋席者在塾西

族長有司掌族人親疏者也涖臨也吉服服玄端也占者三人掌玉兆瓦兆原

兆者也在塾西者南面東上○闔東扉主婦立于其內疏云宗人掌禮之官非卜筮者

扉門

扉也 席于闌西闕外

為卜者也 古文闌作繫 闕作廐 闕魚列反

宗人告事

具主人北面免經左擁之泣卜即位于門東西面

泣卜族長

也更西面當代主人命卜

卜人抱龜燋先奠龜西首燋在北

既奠燋又執龜

以待之○疏曰卜人抱龜燋謂從塾上抱鄉闕外待也

宗人受卜人龜示高

以龜腹甲

高起所當灼處示泣卜也

泣卜受視反之宗人還少退受命

受泣卜命授龜

宜近受命宜卻也

命曰哀子某來日某卜葬其父某甫考降無

有近悔

考登也降下也言卜此日葬魂神上下得無近於咎悔者乎○考父也降骨肉歸復于土也卜

得吉則體魄永安不近於悔矣

許諾不述命還即席西面坐命龜興授

卜人龜負東扉

宗人不迷命亦士禮略凡卜述命命龜異龜重威儀多也負東扉俟龜之兆也

卜人坐作龜興

作猶灼也周禮卜人凡卜事示高揚火以作龜致其墨興起也

宗人受

龜示涖卜涖卜受視反之宗人退東面乃旅占卒不釋

龜告于涖卜與主人占曰某日從

不釋龜復執之授卜也古文曰為日

人龜告于主婦主婦哭

不執龜者下主人也

告于異爵者使人告

于眾賓

眾賓僚友不來者也○疏曰上云既朝哭皆復外位外位中有異爵卿大夫等故就位告之

卜人徹龜宗人告事畢主人經入哭如筮宅賓出拜送

若不從卜擇如初儀

右卜葬日

儀禮鄭註句讀卷十二

欽定四庫全書

儀禮鄭註句讀卷十三

濟陽張爾岐撰

既夕第十三

鄭目錄云士喪禮之下篇也既已也謂先葬二日已夕哭時與葬間一日凡朝

廟日請啓期必容焉此諸侯之下士一廟其上士二廟則既夕哭先葬前三日大戴第五刪小戴第十四別錄名士喪禮

下篇第十三

既夕哭

既已也謂出門哭止復外位時

請啓期告于賓

將葬當遷柩于祖有司於是乃

請啓肆之期於主人以告賓賓宜知其時也今文啓為開。請啓期主人曰在明旦有司遂以告賓

右請啓期

夙興設盥于祖廟門外

祖王父也下士祖禰共廟○疏云此設盥亦在門外東方如大

斂也陳鼎皆如殯東方之饌亦如之

皆皆三鼎也如殯使如大斂既殯之奠使

牀饌于階間

俛之言尸也朝正柩用此牀○疏云謂柩至祖廟兩楹之間尸北首之時乃用此牀

右豫於祖廟陳饌

二燭俟于殯門外

早間以為明也燭用蒸○大曰薪小曰蒸

丈夫髻散帶垂

即位如初

為將啓變也此互文以相見耳髻婦人之變喪服小記曰男子免而婦人髻男子冠而婦

人笄如初朝夕哭門外位○據疏當云丈夫免婦人髻此或偶脫去三字註以為互見也疏又云啓殯之後雖

斬衰亦免婦人不哭主人拜賓入即位袒此不蒙如初者以男子入

門不哭也不哭者將有事止讙囂也商祝免袒執功布入升自西階盡階

不升堂聲三啓三命哭功布反治之布也執之以接神為有所拂仿也聲三三有聲存

神也啓三三言啓告神也舊說以為聲噫興也今文免作繞○三息暫反燭入者○疏云一

燭入室中照徹奠一燭於堂照開殯肆也祝降與夏祝交于階下取銘置于

重祝降者祝徹宿奠降也與夏祝交事相接也夏祝取銘置于重為啓肆遷之吉事交相左凶事交相右今

文銘皆作名○燭入室時祝從而入徹宿奠徹奠者降

至階下夏祝升取銘亦至階下故曰交降階者近東升

階者近西是交相右也踊無算主人也○此商祝拂柩

用功布幰用夷衾

拂去塵也。幰覆之為其形露。○柩出自肆故拂之。覆之疏云夷衾當隨柩

入壙。○註疏無幰字。圖解有幰字似當有。

右啓殯

遷于祖用軸

遷徙也。徙於祖朝祖廟也。檀弓曰殷朝而殯於祖周朝而遂葬。蓋象平生時將出必

辭尊者軸軼軸也。軸狀如轉轆刻兩頭為軼軼狀如長牀穿程前後著金而闕軸馬大夫諸侯以上有四周謂之轆天子

畫之以龍

重先奠從燭從柩從燭從主人從

行之序也。主人從者

丈夫由右婦人由左以服之親疏為先後各從其昭穆男賓在前女賓在後。○此從奠啓殯時所徹去日之夕奠也。疏云柩前後有燭以柩車隔闕故各有燭以昭道及至廟燭在前者升始正柩在後者在階下始升柩

升自西階

柅也猶用子道不由阼也

奠俟于下東面北上

俟正柅也

主人

從升婦人升東面衆主人東即位

東方之位。疏云舉主婦東面主人西面

可知又云唯主人主婦升衆主人從柅至西階下遂鄉東階下即西面位

正柅于兩楹間用

夷牀

兩楹間象鄉戶牖也是時柅北首。疏云戶牖之間賓客之位亦是人君受臣子朝事之處父母神

之所在故於兩楹之間北面鄉之

主人柅東西面置重如初

如初如殯宮時也。亦如

上篇三分庭一在南而置之

席升設于柅西奠設如初中之升降自

西階

席設于柅之西直柅之西當西階也從奠設如初東面也不統於柅神不西面也不設柅東東非神

位也中之者為禦當風塵。此宿奠從殯宮來還依室中東面設法設之於席前也

主人踊無算

降拜賓即位踊襲主婦及親者由足西面

設奠時婦人皆室戶西南

面奠畢乃得東面親者西面堂上迫疏者可以居房中
○前者主人從殯宮中降拜賓入即位袒至此乃襲未
設奠時主人方在柩東設奠訖主人降
拜賓婦人乃得由柩足鄉東西面也

右遷柩朝祖

薦車直東榮北輶

薦進也進車者象生時將行陳駕也
今時謂之魂車輶輶也車當東榮東

陳西上於中庭○以明旦將行故豫陳車乘
車道車囊車也非載柩之車○輶竹求反

質明滅燭

質正也

徹者升自阼階降自西階

徹者辟新奠不設序西
南已再設為褻○徹者

徹去從
奠也

乃奠如初升降自西階

為遷祖奠也奠升不由
阼階柩北首辟其足○

奠夙興所陳三鼎及東方之饌如初者
亦於柩西當階之上東面席前奠之
主人要節而踊

節升降○奠升時主人踊降
時婦人踊由重南主人踊也
薦馬纓三就入門北面交

轡圉人夾牽之
也諸侯之臣飾纓以三色而三成此三

色者蓋條絲也其著之如屬然天子之臣如其命數王
之革路條纓圉人養馬者在左右曰夾既奠乃薦馬者

為其踐污廟中也凡入門參分庭一在南
○疏云此三色如聘禮記三色朱白蒼也
御者執策立

于馬後哭成踊右還出
主人於是乃哭踊者薦車之禮
成於薦馬○主人哭踊訖馬則

右還
而出
賓出主人送于門外

右薦車馬設遷祖之奠

有司請祖期

亦因在外位請之當以告賓每事畢輒出將行而飲酒曰祖祖始也

曰日側

側朕也謂將過中之時

○主人應有司之辭

主人入袒乃載踊無算卒束襲

袒為載變也乃舉柩卻下而載之束束棺於柩車賓出遂匠納車于階間謂此車○賓出即納柩車主人送賓

返入乃載柩在堂北首今以足鄉前下堂載於車也○註無乃字案疏當有乃字

降奠當前束

下遵祖之奠也當將束猶當尸觸也亦在柩車西東有前後也○疏云未束以前其奠使人執之待束訖乃降

奠之當束也

商祝飾柩一池紐前經後緇齊三采無貝

飾柩為設

牆柩也中奠乃牆謂此也牆有布帷柩有布荒池者象宮室之承雷以竹為之狀如小車簦衣以青布一池縣於柩前士不掄紼紐所以聯帷荒前亦後黑因為飾左右面各有前後齊居柩之中央若今小車蓋上纒矣

以三采繒為之上朱中白下蒼著以絮元士以上有月
○飾柩在旁為牆牆有帷在上為柳柳有荒牆柳自其
縛木為格者而言帷荒自其張於外者而言池象承雷
即簷也紐垂於四隅齊者柳之頂結也○紐女九反掄
音達雷
力又反
設披
傾輅喪大記曰士戴前纁後緇二披用纁
今文披皆為藩○以帛繫棺紐著柳骨謂之戴又以帛
繫戴而出其餘於帷外使人牽之謂之披註文輅字當
是絡
屬引
人引柩春秋傳曰坐引而哭之三○引謂緇
繩屬著
於柩車

右將祖時先載柩飾柩車

陳明器於乘車之西

明器藏器也檀弓曰其曰明器神明之也言神明者異於生器竹不

成用瓦不成味木不成斲琴瑟張而不平筭筮備而不和有鐘磬而無筍簾陳器於乘車之西則重之北也

折橫覆之

折猶廢也方鑿連木為之蓋如牀而縮者三橫者五無簣定事畢加之墳上以承抗席橫

陳之者為苞筓以下紲於其北便也覆之見善面也○折如於墳時善者鄉下今陳之反善面鄉上也○廐九

抗木橫三縮二

抗禦也所以禦止土者其橫與縮各足掩墳○抗音剛

加抗席

三

席所以禦塵○

加茵用疏布緇剪有幅亦縮二橫

三

茵所以藉棺者剪淺也幅緣之亦者亦抗木也及其用之木三在上茵二在下象天三合地二人藏其中

馬今文翦作淺○茵設壇中先布橫三乃布縮二厝樞後施抗墳上先用縮二乃用橫三註云木三在上茵二

在下據既設後人所見而言也其實抗茵皆三者在外面二者在內如渾天家地之上下周匝皆有天也故疏云

木與茵皆有天三合地二。茵音因。

器西南上緒

器目言之也。陳明器以西行南端為上緒。屈也。

不容則屈而反之。

茵

茵在抗水上。陳器次而北也。○愚意茵字當連上緒字為句。言陳器當從茵屈轉而

北也。不然前已詳茵豈合重舉。

苞二

所以裹奠羊豕之肉。○奠謂遣奠。

筭三黍稷麥

筭

種類也。其容蓋與簋同一轂也。○疏云筭以菅草為之。舂器所以盛種此筭與舂同類也。

饗三醢醢

屑冪用疏布

饗瓦器其容亦蓋一轂。屑蓋柱之屑也。內則曰屑柱與薑冪覆也。今文冪皆作密。○

斛

甒二醴酒冪用功布

甒亦瓦器。古文甒皆作甒。

皆木桁久之

所

以廢苞筭甒甒也。久當為灸。灸謂以蓋案塞其口。每器異桁。○桁戶庚反。

用器弓矢耒耜兩

敦兩杆槃匝匱實于槃中南流

此皆常用之器也。杆盛湯。槃槃匝盥器也。流匱

口也今文打為梓○打音于

無祭器

士禮略也大夫以上燕用鬼器人器也

有燕樂器

可也

與賓客燕飲用樂之器也

役器甲冑干竿

此皆師役之器甲鎧冑兜鑿干楯竿矢箛

○竿側白反鎧苦代反兜丁侯反鑿音矛楯當允反

燕器杖笠翬

燕居安體之器也笠竹簞蓋也

翬扇○翬所甲反

右陳器與奠具載柩陳器二事畢則日及側矣

徹奠巾席俟于西方主人要節而踊

巾席俟於西方祖奠將用焉要節者

來象升丈夫踊去象降婦人踊徹者由明器北西面既徹由重東南不設於序西南者非宿奠也宿奠必設者為神馮依之久也○此所徹遷祖之奠為將旋柩鄉外更設祖奠故遷之中席即所徹奠之中席俟者奠已東

去而巾席猶執以俟也註象升象降者此奠在庭徹者無升降之事止有往來主人以其往來為踊節與徹室

中之奠升階降階袒為將商祝御柩亦執功布居前者同故云象也袒祖變柩為還柩車為節乃

祖還柩鄉外為行始還音患踊襲少南當前束主人也

當前東南○疏云前袒為祖變今既祖訖故踊而襲婦車未還之時當前東近北今還車則當前東少南

人降即位于階間為柩將去有時也位東上○疏云云

面統於堂下男子今柩車南還男子亦在車東故婦人降亦東上統于男子也婦人不鄉車西者以車西有祖

奠故辟之在車後愚案婦人袒還車不還器祖有行漸

在車後南面故註云東上車前所薦之乘車外也器之陳自己南上○車前所薦之乘車道車橐車也陳器本自南上不須更還也祝取銘置

于茵

重不藏故於此移銘加於茵上○銘本置于重今將行隨柩故移置茵上也

二人還重

左還

重與車馬還相反由便也○疏云車馬在中庭之東以右還鄉門為便重在門內面鄉北人在其南

以左還鄉門為便

布席乃奠如初主人要節而踊

車已祖可以為之奠也是

之謂祖奠○疏云祖奠既與遷祖奠同車西人皆從車西來則此要節而踊一與遷祖奠同

薦馬如

初

柩動車還宜新之也

賓出主人送有司請葬期

亦因在外位時

入復位

主人也自死至於殯自啓至於葬主人及兄弟恒在內位○主人既以葬期命有司而遂入疏云自死至於殯在內位據在殯宮中自啓至於葬在內位據在祖廟中又云始死未小斂以前位在尸東小斂後位在阼階下若自啓之後在廟位亦在阼階下也

右還柩車設祖奠

公賵玄纁束馬兩

公國君也賵所以助主人送葬也兩馬士制也春秋傳曰宋景曹卒魯季

康子使冉求賵之以馬曰其可以稱旌繁乎○春秋傳見哀公二十三年引之者証以馬賵人之事○賵芳鳳

反

擯者出請入告主人釋杖迎于廟門外不哭先入門

右北面及衆主人袒

尊君命也衆主人自若西面

馬入設

設於庭在重南

賓

奉幣由馬西當前輅北面致命

賓使者幣玄纁也輅輅縛所以屬引由馬西則

亦當前輅之西於是北面致命得鄉柩與奠柩車在階間少前三分庭之北輅有前後

主人哭拜

稽顙成踊賓奠幣于棧左服出

棧謂柩車也凡士車制無漆飾左服象授人授

其右也服車箱今文棧作戰疏云主人哭拜仍於門右
北面柩車四輪迫地無漆飾故言棧也此車南鄉以東
為左尸在車上以東為右故奠
左服象授人右也○棧士板反
宰由主人之北舉幣以
東
經云主人位以東藏之○此時主人仍在門東北面
不得履之以過
士受馬以出
此士謂胥徒之長也有勇
故由其北也
力者受馬聘禮曰皮馬相
間可
主人送于外門外拜襲入復位杖

右國君贈禮

賓賁者將命

賓卿大夫士也○疏云言將命者身不來遣使者將命告主人

擯者出請

入告出告須

不迎告曰孤某須

馬入設賓奉幣擯者先入賓從

致命如初

初公使者

主人拜于位不踊

柩車東位也既啓之後與在室同○疏云

始死時庶兄弟繼使人以將命于室主人拜于位此主人亦拜于位俱是不為賓出有君命亦出迎矣

賓

奠幣如初舉幣受馬如初擯者出請

賓出在外請之為其復有事○疏云

若無事賓報事畢送去也

若奠

賓致可以奠也致其堪祭之物

入告出以賓入將

命如初士受羊如受馬又請

士亦謂胥徒之長又復也

若賻

賻之言補也助

也貨財曰賻

入告主人出門左西面賓東面將命

主人出者賻主施於

主人拜賓坐委之宰由主人之北東面舉之反位

委坐

之明主人哀戚志不在受人物反位反主人之後位○宰位在主人之後

若無器則梧受之

謂對相授不委又請賓告事畢拜送入○主贈者將命

地○梧五故反贈送○謂以幣若器送死者也擯者出請納賓如初如其入告賓奠幣

如初亦於棧若就器則坐奠于陳就猶善也贈無常惟

陳○謂乘車之西陳明器之處所也凡將禮必請而后拜送雖知事畢猶

人兄弟贈奠可也兄弟有服親者可且贈且奠所知則

贈而不奠所知通問相知也降於兄弟知死者贈知生

者賻各主於書賻於方若九若七若五方板也書賻奠

其物於板每板若九書遣於策策簡也遣猶送也謂所

行若七行若五行當藏物茵以下○疏云

聘禮記云百名以上書於策不及百名書於方以賓客贈物名字少故書於方遣送死者明器之等并贈死者玩好之物名字多故書之於策乃代哭如初聲也初謂既小斂時宵

為燎于門內之右

為哭者為明○門內之右門東也哭者在柩車東故於門內右照之

右賓賁奠賁贈之禮以上並葬前一日事

厥明陳鼎五于門外如初

鼎五羊豕魚腊鮮獸各一鼎也士禮特牲三鼎盛奠加

一等用少牢也如初如大斂奠時○亦如大斂陳鼎在廟門外

其實羊左胖

反吉祭也言左胖者

體不殊骨也○特牲少牢吉祭皆升右胖此則用左體不殊骨者左邊共為一段也

髀不升

周貴肩賤

○髀古文髀作髀

腸五胃五

亦盛之也○疏云少牢用腸三胃三今加至五亦是盛此

奠離肺離少許。搗離之不絕中豕亦如之豚解無腸胃

也。如之如羊左脾解不升離肺也豚解解之如解豚亦前肩後肱脊脊而已無腸胃者君子不食溷腴。豚解總

有七段今取左脾則為四段豚魚腊鮮獸皆如初鮮新殺者

解無腸胃言其不與羊同者也。士腊用兔加鮮獸而無膚者豕既豚解略之。疏云腊與鮮皆用兔又云奠莫用少牢攝盛則當用膚與少牢

同以豕既豚解喪事略則無膚亦略之而加鮮獸也。東方之饌四豆脾析蜺醢葵

菹羸醢脾讀為雞脾。脾析牛百葉此用少牢無牛當是羊

百葉。蜺皮佳反。尺之反。蜺步講反。四邊棗糗栗脯糗以豆糗粉餅。○

籩實有糗餌粉餐二物此經云糗但糗餌也二物皆稻黍米粉所為合蒸則為餌作餅熟之則為餐又糗與粉

皆大豆末初搗之則為粉熬之則為糗糗二物使不粘
著也註云以豆糗粉餌謂以豆之糗而粉此餌也餌類

今蒸糕糗類今胡餅○糗去九反

醴酒

此東方之饌與祖奠同在主人之南當前輅北上巾之○疏云

祖奠與大斂奠同二豆二簋此葬奠四豆四簋籩豆雖不同而同處耳云北上者蓋兩簋在北次南籩四豆豆籩也

陳器

明器也夜斂藏之○疏云至此厥明更陳之也

滅燎執燭挾輅北

面

照徹祖奠輅東者照奠奠之饌也○疏云輅西者

賓入者拜之

明自啓至此主

人無出禮徹者入丈夫踊設于西北婦人踊

猶阼階升時也亦既盥乃入

由重東而主人踊猶其升也自重北西面而徹設徹者

東由柩車西北東適奠奠之饌○疏云以其徹訖當設奠奠故徹者由柩車北東適奠奠之饌取而設于柩車

也西鼎入

舉入陳之也陳之蓋於重東北西面北上如初

乃奠豆南上綳籩羸醢

南北上綳

籩羸醢南辟醢酒也○如疏所釋先饌脾析於西南次北蟬醢蟬醢東葵菹菹南羸醢是

謂南上綳籩於羸醢以南為次先設棗棗南設糗糗東設栗栗北設脯是謂北上綳籩之西脾析之南設醢酒

故註云辟醢酒也

俎二以成南上不綳特鮮獸

成猶併也不綳者魚在羊東腊

在豕東古文特為俎○如疏所釋以羊豕魚腊之次自南而北而東而南迴環設之為綳羊豕魚腊併設皆自南始為不綳鮮獸

醢酒在籩西北上

統於豆也

奠者出主人

要節而踊

亦以往來為節奠由重北西既奠由重東南○疏云此奠饌在輅東言由重北者亦是由

車前明器之北鄉輅車西設之設訖由輅車南而東者禮之常也

右葬日陳大遣奠

甸人抗重出自道道左倚之

還重不言甸人抗重言之者重既虞將埋之言其官

使守視之抗舉也出自道出從門中央也不由闢東西者重不反變於恒出入道左主人位今時有死者鑿木置食其中樹於道側由此○疏云

薦馬馬出自道車各

從其馬駕于門外西面而俟南上

南上便其行也行者乘車在前道橐序從

○疏云案下記云乘車載禮道車載朝服橐車載策笠是序從也

徹者入踊如初徹巾

苞牲取下體

苞者象既饗而歸賓俎者也取下體者脰骨象行又俎實之終始也士苞三个前脰

折取臂膂後脰折取髀亦得俎釋三个雜記曰父母而賓客之所以為哀○牲陳于俎其脰骨在兩端故脰骨

為俎實之終始士一苞之中有三個牲體臂也臠也骼也前陳器云苞二羊豕各一苞也俎釋三個者苞取之餘尚留三個疏以為羊俎有二段豕俎有四段相通計之為俎釋三個留之為分禱五祀也 不以魚

腊

非正牲也

行器

目葬行明器在道之次。行器運動明器使行也。

茵苞器序從

如其

陳之先後

車從

次器

徹者出踊如初

於是廟中當行者唯柩車

右將葬抗重出車馬苞器以次先行鄉壙

主人之史請讀賵執算從柩東當前東西面不命毋哭

哭者相止也唯主人主婦哭燭在右南面

史北面請既而與執算西

面於主人之前讀書釋奠燭在右南面始書便也古文奠皆為奠

讀書釋奠則坐

必釋奠者

榮其多。疏云讀書者立讀之。卒命哭滅燭書與算執

敬也釋算者坐為釋之便也。之以逆出。卒已也公史自西方東面命母哭主人主婦皆

不哭讀遣卒命哭滅燭出。公史君之典禮書者遣者入

得禮之正以終也燭佚輅。讀贈讀遣皆以告死者。

右讀贈讀遣

商祝執功布以御柩執披。居柩車之前若道有低仰傾

使引者執披者知之士執披八人今文無以○引柩者執披者皆視商祝所執布以用力也○仰五郎反主

人袒乃行踊無算。袒為行變也乃行謂柩車行也凡從柩者先後左右如遷于祖之序○疏

云上遷于祖時註云主人從者丈夫由右婦人由左以服之親疏為先後各從其昭穆男賓在前女賓在後此從柩向壙之序一

出宮踊襲

哀次○疏云大門外有賓客次舍之處父母生時接賓之所主人至

亦如之也此感而哀此次是以有踊踊訖即襲襲訖而行也

至于邦門公使宰夫贈玄纁束

邦門城門也贈送也○至壙窆訖時贈用制幣玄纁束所用即此幣

主人去杖不哭由左聽

命賓由右致命

柩車前輅之左右也當時止柩車○疏云在廟柩車南鄉左則在東北門柩

車鄉北左則前輅之西也

主人哭拜稽顙賓升實幣于蓋降主人拜送

復位杖乃行

升柩車之前實其幣于棺蓋之初中若親授之然復位反柩車後○疏云賓升實幣于蓋

載以之壙此贈專為死者故若親授之然又云云復位反柩車後者上在廟位在柩車東北行道故在柩車後也

右柩車發行及在道君使宰贈之儀

至于壙陳器于道東西北上

統於壙。疏云廟中南上此則北上故云統於壙也

茵先入

當藉柩也元士則葬用軼軸如茵焉

屬引

於是說載除飾更屬引於緘耳古文屬為燭○

緘耳棺束之末結為耳以紼貫之而下棺

主人袒衆主人西面北上婦人東

面皆不哭

俠蒧道為位

乃窆主人哭踊無算

窆下棺也今文窆為封○疏云

主人哭踊不言處還於壙東西面也

襲贈用制幣玄纁束拜稽顙踊如初

夫八尺曰制二制合之束十制五合○丈八尺曰制是其一端二端合為一匹束十制計五匹也此所用至邦

門公所贈者

卒袒拜賓主婦亦拜賓即位拾踊三襲

主婦拜賓拜女

賓也即位反位也○疏云卒謂贈卒更袒拜賓云反位者各反爰道東西位其男賓在衆主人之南女賓在衆婦之南○賓出則拜送相問之賓也凡弔賓有五去皆拾其業反

趨也出宮而退相揖也哀次而退相問也既封而退相見也反哭而退朋友虞祔而退註所云弔賓有五也

藏器於旁加見

器用器役器也見棺飾也更謂之見者加此則棺柩不復見矣先言藏器乃云

加見者器在見內也內之者明君子之於事終不自逸也檀弓曰周人牆置嬰○見棺飾也棺設帷荒池紼之等周人名為牆其外又置嬰為飾藏苞篲於旁於旁者在見外也不言

兩兩而居喪大記曰棺槨之間君客加折卻之加抗席

覆之加抗木

宜次也○折陳之莢面向上今用則莢面向下故謂卻之註云宜次謂三者之用有

宜有實土三主人拜鄉人謝其勤勞○疏云勤勞謂在次也道助執紼在壙助下棺及實

土即位踊襲如初哀親之在斯○疏云既拜鄉人乃於羨道東即位踊無箕如初也

右窆柩藏器葬事畢

乃反哭入升自西階東面衆主人堂下東面北上東西階

反諸其所作也反哭者於其祖廟不於阼階西面西方神位○反諸其所作也檀弓文謂親所行禮之處註西

方神位未詳其義抑婦人入丈夫踊升自阼階辟主人也主

婦入于室踊出即位及丈夫拾踊三入于室反諸其所養也出即位堂上

西面也拾更也○反諸其所養也亦檀弓文謂親所饋食之處自小斂主婦等位皆在阼階上西面故註云出

即位堂上西面也拾踊者更迭而踊也

賓弔者升自西階曰如之何主人

拜稽顙

賓弔者衆賓之長也反而亡馬失之矣於是為甚故弔之弔者北面主人拜于位不北面拜賓

東者以其亦主人位也古文無曰字○主人拜賓于西階上東面註云亦主人位疏云特牲少牢助祭之賓主人皆拜送于西階東面故此東面不移以其亦主人位故也未知果經意否始死拜賓于西階此反而亡亦拜將無同歟賓降出主人送于門外拜稽顙○疏云此於

賓于西階相見遂適殯宮皆如啓位拾踊三

啓位婦人入升堂丈夫即中庭之位○疏

云此如啓位婦人亦即位于堂東西面主人即位于堂下直東序西面直東序西面即中庭位也

兄弟

出主人拜送

兄弟小功以下也異門大功亦可以歸

衆主人出門哭止闔

門主人揖衆主人乃就次

次倚廬也

右反哭于廟于殯宮出就次於是將舉初虞之奠矣

猶朝夕哭不奠

是日也以虞易奠○經言葬後至練皆朝夕哭與未葬同但不奠耳大斂以來

朝夕有奠葬後乃不奠也註言是日謂葬之日下註所云朝而葬日中而虞是也疏以為釋不奠之故尚未是

三虞

虞喪祭名虞安也骨肉歸於土精氣無所不之孝子為其彷徨三祭以安之朝葬日中而虞不忍一

日離○三虞謂葬日初虞再虞卒哭卒哭三虞之後祭用柔日後虞用剛日共三祭也

卒哭

卒哭三虞之後祭名始朝夕之間哀

至則哭至此祭止也朝夕哭而已○後虞之後又遇剛日舉此祭既祭則唯朝夕哭不無時哭故名其祭曰卒

哭明日以其班祔

班次也祔卒哭之明日祭名祔猶屬也祭昭穆之次而屬之

右略言葬後儀節及喪祭之目

記

士處適寢寢東首于北墉下

將有疾乃寢於適室今文處為居于為於○疏云若

不疾則在燕寢○首手又反

有疾疾者齊

正情性也適寢者不齊不居其室○齊側皆反養

者皆齊

憂也○養于亮反

徹琴瑟

去樂

疾病外內皆埽

為有賓客來問也疾

甚曰病○

徹褻衣加新衣

故衣垢汙為來人穢惡之○疏云徹褻衣據死者而言徹

褻衣謂故玄端加新衣謂更加新朝服蓋其齊時已著玄端至此更徹去易朝服也新衣不言朝服互見之也

御者四人皆坐持體

為不能自轉側御者今時侍從之人

男女改服

為賓客來

問病亦朝服主人深衣○按下主人啼註於是始去冠而笄纓服深衣則此主人深衣四字羨文也屬纊

以俟絕氣

為其氣微難節也纊新絮

男子不絕於婦人之手婦人不

絕於男子之手

備

乃行禱于五祀

盡孝子之情五祀博言之士二祀曰門曰

行

乃卒

卒終也

主人啼兄弟哭

哀有甚有否於是始去冠而笄纓服深衣檀弓曰始

死羔裘玄冠者易之○疏云引檀弓者證深衣易去朝服之事也

設牀第當牖衽下莞

上簟設枕

病卒之間廢牀至是設之事相變衽卧席古文第為茨○第側几反

遷尸

徙於牖下

也於是是輿用斂衾○疏云徙於牖下者即上文牀第當牖者也

此據經士死于適室輿用斂衾之文而記君子正終

人子侍養之事

復者朝服左執領右執要招而左

衣朝服服未可以變
○方冀其生故復者

服朝服不變凶服也其所執則經所
云爵弁服也○朝直違反要一違反

楔貌如輓上兩末

事便也今文輓作厄○上兩末楔屈如輓
以屈處入口使兩末向上也○輓於革反

綴足用燕几

校在南御者坐持之

校脛也尸南首几脛在南以拘
足則不得辟戾矣古文校為枝即

牀而奠當隅用吉器若醴若酒無巾

柶隅肩頭也用吉
器器未變也或

卒無醴用新酒○疏云即就也謂就尸牀而設之尸南
首則在牀東當尸肩頭也又云若醴若酒科有其一不

得並用○隅古
口反卒七忽反

記始死時復魂楔綴設奠諸禮中儀法器物

赴曰君之臣某死赴母妻長子則曰君之臣某之某死

赴走告也今
文赴作訃

記赴君之辭

室中唯主人主婦坐兄弟有命夫命婦在焉亦坐

別尊卑也

○疏云案大記士之喪主人父兄主婦姑姊妹皆坐鄭云士賤同宗尊卑皆坐此命夫命婦之外立而不坐者此謂有命夫命婦來兄弟為士者則立若無命夫命婦則同宗皆坐也

記室中哭位經所未及

尸在室有君命衆主人不出

不二主○疏云衆主人不出在尸東耳

經於君命弔禭直言主人不言衆主人故記之

禭者委衣于牀不坐

牀高由便

其禭于室戶西北面致命

始死

時也○小斂後禭于堂者則中庭北面致命

記禭者儀位

夏祝淅米差盛之

差擇之○差七何反盛音成

御者四人抗衾而浴

禭第

抗衾為其裸程祿之也禭袒也袒簣去席盥水便盥音祿○抗音剛禭之善反

其母之喪

則內御者浴鬚無筭

內御女御也無筭猶大夫之不冠也

設明衣婦人則

設中帶

中帶若今之禪祿。禪音視，穆音衫。

卒洗貝反于筭實貝柱右顙

左顙

象齒堅。卒洗洗貝也。顙謂牙兩畔最長者實貝者實之於此以象生牙齒堅也。顙丁千反。

夏

祝徹餘飯

徹去鬻。餘飯飯尸餘米也。夏祝徹去煮之為鬻以實重鬲也。

瑱塞耳

塞充室。

不同生人但聽耳旁

掘坎南順廣尺輪二尺深三尺南其壤

南順統於

堂輪從也。今文掘為玲。以埋弄潘者。

墜用塊

塊塼也。古文墜為役。以煮潘者。

明衣裳

用幕布袂屬幅長下膝

幕布帷幕之布升數未聞也。屬幅不削幅也。長下膝又有裳於

徹下體深也。疏云屬幅不削幅者布幅二尺二寸凡用布皆削去邊幅旁一寸為二寸計之則此不削幅謂

繅使相著還以袂二尺二寸云。長下膝者謂為此衣長至膝下。

有前後裳不辟長及蔽

不辟積也。穀足附也。凡他服短無見膚，長無被土。○前後裳謂前三幅後四幅也。○穀，苦角反。縗，綿。縗，

一染謂之縗。今紅也。飾裳在幅曰縗，在下曰縗。○在幅裳之側緣也。○縗，七絹反。縗，毗皮反。縗，他計反。縗，

純。七入為縗。縗，黑色也。飾衣曰純。謂設握裏親膚繫鉤，

中指結于擊。擊，掌後節中也。手無決者以握繫一端，繞擊還從上自貫反與其一端結之。○前經

言設握言右手有決者。甸人築圻坎。築，實土其中。堅之。此記左手之無決者。甸人築圻坎。穿坎之名一曰圻

○築之圻之皆甸人也。隸人浼廁。隸人，罪人也。今之徒役作者也。浼，塞也。為

人復往襲之又亦鬼。既襲宵為燎于中庭。宵，夜。神不用。○浼乃結反。

記沐浴含襲時職司服物自記首至此皆始死事。

也

厥明滅燎陳衣

記節○當襲之明日滅燎之時即陳小斂之衣

凡絞衿用布倫

如朝衣

凡凡小斂大斂也倫比也今文無衿古文倫為輪○朝服十五升此用布亦如之

設於

于東堂下南順齊于坵饌于其上兩甌醴酒酒在南簠

在東南順實角解四木枲二素勺二豆在甌北二以並

籩亦如之

於今之舉也角解四木枲二素勺二為夕進醴酒兼解之也勺二醴酒各一也豆籩二以

併則是大斂饌也記於此者明其他與小斂同陳古文角解為角枲○奠用醴酒但用二解一枲而解有四枲有二者朝夕二奠各饌其器也小斂一豆一籩大斂乃二豆二籩記云二以並言大斂奠之不同於小斂奠者

惟此也
於庶反

凡籩豆實具設皆巾之

籩豆偶而為具具則於饌巾之中之加飾

也明小斂一豆一籩不巾。○皆者皆東堂與奠所也二籩二豆者饌於東堂設於奠所二處皆巾之也小斂一籩一豆惟至設於牀東乃巾。○俟時而酌柶覆加之面之方其饌堂東時則不巾矣。

枋及錯建之

時朝夕也。檀弓曰朝奠日出夕奠逮日。○解雖豫陳必待奠時乃酌其酌醴之法既

酌醴以柶覆於解上使柄向前及其錯於奠所則扱柶醴中。○錯七故反。小斂辟奠不出室未忍神遠之也。辟襲奠以辟斂既斂則不出於室設于序西南畢事而去之。○註不出於室設于序西南不字貫下八字大斂辟奠及朝夕無踊節。○其哀未可節也奠則皆出設于序西南矣。○承上文小斂既

馮尸主人袒髻髮絞帶衆主人布帶

衆主人齊衰以下

大斂于

阼

未忍便離主人位也主人奉尸斂于棺則西階上賓之

大夫升自西階階東北

面東上

視斂

既馮尸大夫逆降復位

中庭西面位○疏云上篇朝夕哭云主人

入堂下直東序西面卿大夫在其南卿大夫與主人同西面向殯故知大夫位在中庭西面也

巾奠執

燭者滅燭出降自阼階由主人之北東

中奠而室事已

記小斂大斂二節中衣物奠設時會處所儀法

既殯主人說髦

既殯置銘于殯復位時也今文說皆作稅兒生三月髻髮為髻男角女羈否則

男左女右長大猶為飾存之謂之髦所以順父母幼小之心至此尸柩不見喪無飾可以去之髦之形象未聞○疏引喪大記鄭註云士既殯說髦小斂說髦蓋諸侯禮士既殯諸侯小斂於死者俱三日也○髻丁果反

三日絞垂

成服日絞要經之散垂者

冠六升外繹纓條屬厭

釋謂縫著於武

也外之者外其餘也纓條屬者通屈一條繩為武垂下為纓屬之冠厭伏也○解已詳喪服篇首章○繹音必

厭一涉反衰三升

衣與裳也

履外納

納收餘也

杖下本竹相一也

順其性也

居倚廬

倚木為廬在中門外東方北戶

寢苦枕塊

苦編囊塊塢也

不說經帶

哀戚

不在於安哭晝夜無時

哀至則哭非必朝夕

非喪事不言

不忘所親

歠粥

朝一溢米夕一溢米不食菜果

不在於飽與滋味粥糜也二十兩曰溢為米一

升二十四分升之一實在水曰果在地曰菰

主人乘惡車

拜君命拜眾賓及有故行所乘也雜

記曰端衰喪車皆無等然則此惡車王喪之木車也古文惡作聖

白狗席

未成豪狗席覆筴也以狗

皮為之取其腩也白於喪飾宜古文臂為冢○玉藻君羔臂虎犴陳註云臂者覆式之皮此白狗臂亦是以狗皮覆車式○**蒲蔽**蔽藩○謂車兩邊禦風者以蒲草為之**御以蒲蔽**不在

臂亡狄反

蒲蔽

蔽藩○謂車兩邊禦風者以蒲草為之

御以蒲蔽

不在

馳蒲蔽壯蒲莖也古文蔽作駟○蒲蔽楊柳之堪為箭者御者以之策馬與為蔽之蒲同名而異類○蔽則留

反

犬服

箠間兵器以犬皮為之取堅也亦白○**木鎡**取

木鎡

少

聲○今文鎡為**約綏約轡**約繩綏所引升車**木鑣**亦取少聲古文鎡○鎡音管**約綏約轡**以引升車**木鑣**亦取少聲古文

苗**馬不齊髦**齊翦也今文髦為毛主人之惡車如王之反**馬不齊髦**木車則齊衰以下其乘素車繅車駝車漆

車與○**駝**主婦之車亦如之**疏布褌**褌者車裳惟於蓋步江反**疏布褌**弓垂之○**疏布褌**

布褌在亦如之之下見不**貳車白狗攝服**貳副也攝猶與男子同○褌尸占反**貳車白狗攝服**綠也狗皮綠

服差飾○服亦謂盛兵器之服

其他皆如乘車

如所乘惡車○唯白狗攝服為異也

記殯後居喪者冠服飲食居處車馬之制

朔月童子執帚卻之左手奉之

童子隸子弟若內豎寺人之屬執用左手卻之

示未用○疏云下文婦室聚諸突故不用箕

從徹者而入

童子不專禮事○徹徹宿奠者比

奠舉席埽室聚諸突布席如初卒奠埽者執帚垂末內

鬣從執燭者而東

比猶先也室東南隅謂之突○比必二反突一弔反鬣音獵

燕養

饋羞湯沐之饌如他日

燕養平常所用供養也饋朝夕食也羞四時之珍異湯沐所以

洗去污垢內則曰三日具沐五日具浴孝子不忍一日廢其事親之禮於下室日設之如生存也進徹之時如

其項。朝夕之奠與朔月之奠設于殯宮燕養之饌設于下室下室燕寢也。朔月若薦新則

不饋于下室

以其殷奠有黍稷也下室如今之內堂正寢聽朝事○常奠無黍稷故食時又饋于

下室今此殷奠自有黍稷故不須更饋也

記朔月及常日掃潔奉養之事

筮宅冢人物土

物猶相也相其地可葬者乃營之○卜經但言筮記明其先相之乃筮之也

曰吉告從于主婦主婦哭婦人皆哭主婦升堂哭者皆

止事畢○經但言主婦哭不言衆婦人皆哭與哭止之節故記詳之又此條止言卜日事竊意筮宅得吉亦

當準此儀也

記筮宅卜日首末事

啓之昕外內不哭

將有事為其謹。既啓命哭古文啓為開。昕音欣。

夷牀軼軸

饌于西階東

明階間者位近西也。夷牀饌於祖廟軼軸饌於殯宮其二廟者於禰亦饌軼軸焉。古

文軼或作拱。○疏云夷牀在祖廟軼軸在殯宮以其西階東是同故並言之。註云明階間者位近西也者以經直云階間恐正當兩階之間故記人明之。○軼軸遷柩之車其二廟者將自禰朝祖故亦饌軼軸朝祖下柩訖明日適壙用雇車不復用軼軸矣。

記啓殯朝祖之事

其二廟則饌于禰廟如小斂奠乃啓

祖尊禰卑也。士事祖禰上士異廟下

士共廟。○將啓先具此一鼎一豆一簋之奠於禰廟既啓朝禰徹從奠乃設之至明日朝祖則設奠如大斂於祖廟如經文所陳也。朝于禰廟重止于門外之西東面柩入升自

西階正柩于兩楹間奠止于西階之下東面北上主人

升柩東西面衆主人東即位婦人從升東面奠升設于

柩西升降自西階主人要節而踊重不入者主於朝祖而行若過之矣門西

東面待之便也。○正柩兩楹間疏以為奠位在戶牖之間則此於兩楹間亦稍近西乃當奠位也。奠謂從奠要

節而踊者奠升主人踊設者降婦人踊也。燭先入者升堂東楹之南西面後

入者西階東北面在下照正柩者先先柩者後後柩者適祖時燭亦然互記於此。○疏

云此燭本是殯宮中照開殯者在道時一主人降即位
在柩前一在柩後今又一升堂一在堂下
徹乃奠升降自西階主人踊如初如其降拜賓至於要
此行。徹者徹從奠乃奠者奠其如小斂之饌也經文
朝祖時正柩設從奠訖主人降拜賓以後有徹奠設奠
哭踊之節此亦如之也

記二廟者啓殯先朝禰之儀

祝及執事舉奠中席從而降柩從序從如初適祖此謂朝禰
明日舉奠適祖之序也此祝執醴先酒脯醢俎從之巾
席為後既正柩席升設設奠如初祝受巾中之凡喪自
卒至殯自啓至奠主人之禮其變同則此
日數亦同矣序從主人以下今文無從
薦乘車鹿淺

辟干笮革鞮載旌載皮弁服纓轡貝勒縣于衡士乘棧車鹿戔

鹿夏毛也辟覆苓玉藻曰士齊車鹿辟豹犢干盾也笮矢箠也鞮鞻也旌旌旗之屬通帛為旌孤卿之所建亦攝焉皮弁服者視朔之服貝勒貝飾勒有干無兵有箠無弓矢明不用古文鞮為殺旌為膳○疏云此並下車三乘謂葵之魂車○道車載朝服道車朝夕及燕出入之車朝服日視朝之

服也玄衣素裳○疏云士乘棧車更無別車而上云乘車下云橐車此云道車雖有一車所用各異故有乘車道車橐車之名又云士之道車而用朝君之服不用私朝玄端服者亦攝盛也橐車載簠簋猶散也散車以田以鄙之車裳笠備雨服今文橐為潦凡道車橐車之纓轡及勒亦縣于衡也○田謂田獵鄙謂巡行縣鄙○將載祝及執事舉奠尸西南面東上卒束散悉但反

前而降奠席于柩西

將於柩西當前東設之。載載柩于車卒東前而降謂舉奠者當東

柩於車將畢之前即降也奠席柩西為設奠先設席也

中奠乃牆

牆飾柩也。即帷荒之屬

抗

木刊

剝削之古文刊為竿。抗木必刊治之

茵著用茶實綏澤焉

茶茅秀也綏廉

蘆也澤澤蘭也皆取其香且御濕。茵內所著非直用茶兼實綏與澤。茶大奴反

葦苞長三尺

一編

用便易也。葦為苞。葦之長三尺一道編之

菅筥三其實皆淪

米麥皆淪之湯

未知神之所享不用食道所以為敬。以菅草為筥其中所盛黍稷麥皆淹漬之

祖還車不易

位

為鄉外耳未行。車乘車道車橐車既祖則還之向外但不易初薦時位

執披者旁四人

前後左右各二人。一旁四人共八人也

凡贈幣無常

賓之贈也玩好曰贈在所有。以賓客不

一故贈幣
無定制

凡糗不煎

以膏煎之則褻非敬
○ 奠奠遽實有糗

記二廟者自禰適祖之儀及祖廟中薦車載柩陳器

奠贈諸事

唯君命止柩于垣其餘則否

不敢留神也垣道也曾子問曰奠既引至於垣○垣

古鄫反

車至道左北面立東上

○ 道左墓道東先至者在東○ 疏云當是陳器之南又

云以乘車道車橐車三者次第為先後先至者乘車也

柩至于壙斂服載之

至壙車

祝說載除飾乃斂乘車道車橐車之服載之不空之以歸送形而往迎精而反亦禮之宜○ 服三車所載皮弁

服朝服裳笠等也

卒窆而歸不驅

孝子往如墓反如疑為親之在彼

記柩在道至壙卒窆而歸之事

君視斂若不待奠加蓋而出不視斂則加蓋而至卒事

為有他故及辟忌也○

卒事謂大斂奠訖乃去

記君於臣有視斂不終禮者有既斂加蓋而後至者

二者之節

既正柩賓出遂匠納車于階間

遂匠遂人匠人也遂人主引徒役匠人主載柩

窆職相左右也車載柩車周禮謂之蜚車雜記謂之圓或作輅或作搏聲讀皆相附耳未聞孰正其車之舉狀

如牀中央有輅前後出設前後輅輅上有四周下則前後有軸以輅為輪許叔重說有輻曰輪無輻曰輅○既

朝祖正柩於兩楹主人送賓出以此
時納柩車也。○蜃市軫反軫市專反
祝饌祖奠于主人
之南當前輅北上巾之
言饌於主人之南當前輅則既
祖祝乃饌。○既還柩向外祝即
饌祖奠于主人之南及還車還
重俱訖乃奠之柩車西如初

記朝祖納柩車之節與饌祖奠之處

弓矢之新沽功
設之宜新沽示不用今文沽作古。○
弓矢謂入壙用器舉弓矢以例餘者有

弭飾焉
弓無緣者謂之弭弭以
骨角為飾。○弭回爾反亦張可也
亦使有秘秘
弓

檠弛則縛之於弓裏備損傷以竹為之
詩云竹秘緄滕古文秘作檠。○檠音景
設依撻焉
依纏
也

撻附側矢道也皆以韋為之今文撻為鈗。○疏云依者
謂以韋依纏其絃即今時弓彊是也撻所以撻矢令出

生時以骨為之

有韞

韞弓衣也以縞布為之

猴矢一乘骨鏃短衛

猴猶候也

而射之矢也四矢曰乘骨鏃短衛亦云不用也生時猴矢金鏃凡為矢五分筈長而羽其一○衛矢羽也矢筈

長三尺五分羽一則六寸是生時之矢羽固不短矣○猴音侯鏃于木反

志矢一乘軒輜中

亦短衛

無鏃猶擬也

習射之矢書云若射之有志輜輳也短衛亦示不用生時志矢骨鏃凡為矢前

重後輕也○鄭

解輜輳也輳與輕同軒輕中謂前後輕重均也註凡為矢前重後輕亦欲明此軒輕中之異於

生用耳疏引周禮八矢六者前重後輕恒矢庫矢不前重後輕非鄭意也○輜音周輳音至

記入壙用器弓矢之制

儀禮鄭註句讀卷十三

欽定四庫全書

經部

儀禮鄭註句讀卷十四至

詳校官監察御史臣查瑩

侍讀臣孫球覆勘

總校官進士臣繆珙

校對官學正臣蔡必昌

謄錄監生臣桑英

欽定四庫全書

儀禮鄭註句讀卷十四

濟陽張爾岐撰

士虞禮第十四

鄭目錄云虞安也士既葬其父母迎精而反日中而祭之於殯宮以安之

虞於五禮屬凶大戴第六小戴第十五別錄第十四○疏云虞卒哭在寢祔乃在廟

士虞禮特灰饋食

饋猶歸也○疏云卜日曰牲此虞為喪祭又禁日虞因其吉日畧無卜牲

之禮故指灰體而言不云牲以物與神及人皆言饋○饋其位及

側亨于廟門外之右

東面

側亨亨一時也亨於東用饗不於門東未可以吉也是日也以虞易奠祔而以吉祭易喪祭鬼神所

在則曰廟尊言之○疏云案吉禮皆全左右胖皆亨此亨一胖者以其虞不致爵自獻賓已後則無主人主婦及賓已下之俎故唯亨一胖也特牲吉禮鼎鑊皆在門東此云門外之右是門之西未可以吉也愚案此虞實在殯官即適寢也而曰魚腊爨亞之北上爨竈○三鑊廟故註曰尊言之也

饔爨在東壁西面

炊黍稷曰饔饔北上上齊于屋宇於虞有亨饔之爨彌吉○疏云案特牲

云主婦視饔爨于西堂下今在東亦反吉也小斂大斂未有黍稷朔月薦新始有黍稷向吉仍未有爨至此始

有亨饔之爨故云彌吉○饔尺志反

設洗于西階西南水在洗西篚在東

反吉也亦當西榮南北以堂深○吉時設洗皆當東榮

尊于室中北牖下當戶兩

甒醴酒酒在東無禁罍用絺布加勺南枋

酒在東上醴也絺布葛屬

狄○冢亡反

素几葦席在西序下

有几始鬼神也

苴荊茅長五寸束

之實于篚饌于西站上

苴猶藉也。荊度也。截也。苴荊茅者藉祭之荊茅也。度而截之。

故謂荊茅。荳子徐反。荊七本反。

饌兩豆菹醢于西楹之東醢在西一

銅亞之

醢在西南面取之得左取菹右取醢便其設之疏云一銅亞之菹以東也。尸在東面設者

西面設於尸前菹在南醢在北今於西楹東饌之菹在東醢在西是南面取之得左菹右醢至尸前西面設之便從獻豆兩亞之四籩亞之北上
豆從主人獻祝籩從主婦獻尸祝北上菹

與棗不東陳別於正。疏云此從獻豆籩雖文承一銅之下而云亞之下別云北上是從不從銅東為次宜於銅東北以北為上向南陳之然則東北菹為首次南醢醢東栗栗北棗棗東栗棗南栗故鄭云北上菹與棗也云

不東陳別於正者以二豆與銅在尸為獻饌黍稷二敦前為正此皆在獻後為非正故東北別也

于階間西上藉用葦席

藉猶薦也古文藉為席

匱水錯于槃中南

流在西階之南簞巾在其東

流匱吐水口也錯七故反

陳三鼎于

門外之右北面上設扃鼎

門外之右門西也今文扃為鉉

匕俎在西

塾之西

不饌於塾上統於鼎也塾有西者是室南鄉

羞燔俎在內西塾上南

順

南順於南面取縮執之便也肝俎在燔東

右陳虞祭牲羞酒醴器具

主人及兄弟如葵服賓執事者如弔服皆即位于門外

如朝夕臨位婦人及內兄弟服即位于堂亦如之

者既

夕曰丈夫髻散帶垂也賓執事者賓客來執事也○疏云始虞與葬服同三虞皆同至卒哭則作其喪服乃變麻服葛也賓客來執事以其虞為喪祭主人未執事案曾子問士則朋友莫不足則取於大功以下○臨力蔭

反祝免澡葛經帶布席于室中東面右几降出及宗人

即位于門西東面南上

祝亦執事免者祭祀之禮祝所親也澡治也治葛以為首經及

帶接神宜變也然則士之屬官為其長弔服加麻矣至於既卒哭主人變服則除右几於席近南也○祝執事而免者以其身親祭祀之禮不嫌於重也○免音問宗人告有司具遂請拜賓如

臨入門哭婦人哭

臨朝夕哭

主人即位于堂衆主人及兄弟

賓即位于西方如反哭位

既夕曰乃反哭入則升自西階東面衆主人堂下東面北

上異於朝夕

祝入門左北面

不與執事同位接神尊也○上兄弟賓即位于西方者皆是執

事宗人西階前北面

當詔主人及賓之事○宗人在堂下是主人在堂時若主人在室宗

人即升堂
尸外北面

右主人及賓自門外入即位

祝盥升取苴降洗之升入設于几東席上東縮降洗解

升止哭

縮從也古文縮為威

主人倚杖入祝從在左西面

主人北旋倚杖

西序乃入喪服小記曰虞杖不入於室祔杖不升於堂然則練杖不入於門明矣

贊薦菹醢醢

在北

主婦不薦齊斬之服不執事也曾子問曰士祭不足則取於兄弟大功以下者○疏云齊斬不執事

唯為今時至于尸入之後亦執事兩簋棗栗設于會南至於祔祭雖陰厭亦主婦薦主人自執事也佐食

及執事盥出舉長在左

舉舉鼎也長在左在西方位也凡事宗人詔之

鼎入設

于西階前東面北上匕俎從設左人抽局鼐匕佐食及

右人載

載載于俎佐食載則亦在右矣今文局為鉉古文鼐為密

卒杞者逆退復位

復賓位也

俎入設于豆東魚亞之腊特

亞次也今文無之

贊設二敦

于俎南黍其東稷

簋實尊黍也○西黍東稷西上故云尊黍經言敦註言簋者敦有虞氏之

器周制士用之同姓之士容得從周制用簋

設一鉶于豆南

鉶菜羹也

佐食出立

于戶西

饌已也今文無于戶西

贊者徹鼎

反于門外

祝酌醴命佐食啓

會佐食許諾啓會卻于敦南復位

會合也謂敦蓋也復位出立于戶西今文

啓為開。特牲少牢有酒無醴故厭亦用酒此酒醴兼設以醴陰厭以酒醑尸亦其異於吉祭也

祝奠

解于鉶南復位

復位復主人之左

主人再拜稽首祝饗命佐食

祭

饗告神饗也此祭祭於苴也饗神辭記所謂哀子某哀顯相夙興夜處不寧下至適爾皇祖某甫饗是也

○是陰厭饗神辭詳下記

佐食許諾鉤袒取黍稷祭于苴三取膚祭

祭如初祝取奠解祭亦如之不盡益反奠之主人再拜

稽首

鉤袒如今露臂揜衣也苴所以藉祭也孝子始將納尸以事其親為神疑於其位設苴以定之耳或

曰直主道也則特牲少牢當有主象而無可乎祝祝卒主人拜如初哭出復位

祝祝者釋孝子祭辭○按上疏云迎尸上釋孝子辭經記無文宜與少牢迎尸祝孝子辭同但稱哀為異

右設饌饗神是為陰厭

祝迎尸一人衰經奉篚哭從尸

尸主也孝子之祭不見親之形象心無所繫立

尸而主意焉一人主人兄弟禮弓曰既封主人贈而祝宿虞尸○封彼驗反

尸入門丈夫踊

婦人踊

踊不同文者有先後也尸入主人不降者喪事主哀不主敬○疏云主人在西序東面眾兄弟

西階下亦東面婦人堂上當東序西面見尸有先後故踊有先後

淳尸盥宗人授巾

沃

也沃尸盥者賓執事者也

尸及階祝延尸

延進也告之以升

尸升宗人詔踊

如初

凡言詔踊如初則凡踊宗人詔之

尸入戶踊如初哭止

哭止尊尸

婦人入

于房

辟執事者

主人及祝拜妥尸尸拜遂坐

妥安坐也妥他果反

右延尸妥尸

從者錯篚于尸左席上立于其北

北席北也○此篚象特牲所俎擬為尸盛

饌餘

尸取奠左執之取菹孺于醢祭于豆間祝命佐食墮

祭

下祭曰墮墮之猶言墮下也周禮曰既祭則藏其墮謂此也今文墮為綏特牲少牢或為羞失古正矣齊

魯之間謂祭為墮○尸取奠取祝所及奠于鉶南之解也左執之者以右手將祭也下祭曰墮謂從俎豆上取

下當祭之物以授尸使之祭佐食但下之而已疏以為向下祭之誤佐食取黍稷肺祭授

尸尸祭之祭奠祝祝主人拜如初尸嘗醴奠之

如初亦祝祝卒

乃再拜稽首○其祝辭即下記云哀子某主為而哀薦之饗

佐食舉肺脊授尸尸受

振祭齊之左手執之

右手將有事也尸食之時亦奠肺脊于豆○右手將有事為下文祭

銅嘗銅此肺脊至尸卒食佐食方受之實于篚中間食時亦須奠之于豆

祝命佐食邇敦佐

食舉黍錯于席上

通近也

尸祭銅嘗銅

右手也少牢曰以祭

豕銅嘗羊銅○此但豕祭之嘗之亦用柶

泰羹清自門入設于銅南載四

豆設于左

博異味也清肉汁也載切肉也○銅南解北初設時留空處以待泰羹載設于左正豆之

北尸飯播餘于篚

不反餘也古者飯用手吉時播餘于會古文播為半

三飯佐食

舉幹尸受振祭瘠之實于筐

飯間啗肉安食氣。幹者也。○啗大敢反。

又三

飯舉胙祭如初佐食舉魚腊實于筐

尸不受魚腊以喪不備味

又三

飯舉肩祭如初

後舉肩者貴要成也。○周人貴肩故以後舉為貴要成。

舉魚腊俎

俎釋三个

釋猶遣也。遣之者君子不盡人之歡不竭人之忠。个猶枚也。今俗或名枚曰個。音相近。此

脂亦七體如其牲也。○牲七體魚腊各七佐食所舉以授尸者皆盛於筐所餘每俎三个將以改饌於西北隅

也。个古貸反。

尸卒食佐食受肺脊實于筐反黍如初設

九飯而巳

士禮也。筐猶吉祭之有所俎。○特牲少牢有所俎以盛尸所舉牲體。此筐亦盛尸所舉牲體。○所音祈。

右饗尸尸九飯

主人洗廢爵酌酒醕尸尸拜受爵主人北面答拜尸祭

酒嘗之

爵無足曰廢爵醕安食也主人北面以醕酢變吉也凡異者皆變吉古文醕作酌○疏云特牲

少牢尸拜受主人西面拜送與北面相反○醕以刃反

賓長以肝從實于俎縮右

鹽

縮從也從實肝炙於俎也喪祭進祇右鹽於俎近北便尸取之也縮執俎言右鹽則肝鹽併也○註右鹽

於俎近北據執俎者而言左肝右鹽西面向尸則鹽在肝之北併於俎上故云於俎近北尸右取肝左擣鹽為便也○祇

尸左執爵右取肝擣鹽振祭濟之加于俎賓

降反俎于西塾復位

取肝右手也加于俎從其牲體也喪不志於味○加于俎盛牲體

之俎賓所反則肝俎也復位復西階前眾兄弟之南東面位

尸卒爵祝受不相爵主

人拜尸答拜

不相爵喪祭於禮畧相爵者特牲曰送爵皇尸卒爵

祝酌授尸尸以

醋主人主人拜受爵尸答拜

醋報○醋才各反

主人坐祭卒爵

拜尸答拜

○主人受酢當亦北面

筵祝南面

祝接神尊也筵用萑席

主人獻

祝祝拜坐受爵主人答拜

獻祝因反西面位

薦菹醢設俎祝左

執爵祭薦奠爵興取肺坐祭臠之興加于俎祭酒嘗之

肝從祝取肝擣鹽振祭臠之加于俎卒爵拜主人答拜

祝坐授主人

今文無擣鹽○薦設皆執事者祝俎不升鼎詳見下記授主人者虛爵也

主人

酌獻佐食佐食北面拜坐受爵主人答拜佐食祭酒卒

爵拜主人答拜受爵出實于篚升堂復位

篚在庭不復入事已也亦

因取杖乃東面立○上文哭時主人升堂西序東面至此獻尸畢不復入室故復東面位也

右主人獻尸并獻祝及佐食

主婦洗足爵于房中酌亞獻尸如主人儀

爵有足輕者飾也昏禮曰

內洗在北堂直室東隅○如主人儀如上文主人酌尸之儀也

自反兩籩棗栗設于會

南棗在西

尚棗棗美○自反者自往取之而反也此兩籩及下獻祝籩即上饌時亞豆東四籩也

尸祭籩祭酒如初賓以燔從如初尸祭燔卒爵如初酌

獻祝籩燔從獻佐食皆如初以虛爵入于房

初主人儀

右主婦亞獻

賓長洗纒爵三獻燔從如初儀

纒爵口足之間有篆又彌飾○當亦兼獻祝及

佐食

右賓長三獻

婦人復位

復堂上西面位事已尸將出當哭踊

祝出戶西面告利成主人

哭

西面告主人也利猶養也成畢也言養禮畢也不言養禮畢於尸間嫌

皆哭

丈夫婦人於主人哭

斯哭

祝入尸謏

祝入而無事尸則知起矣不告尸者無遭尊者之道也古文謏或為休○謏所

六反從者奉篚哭如初

初哭祝前尸出戶踊如初降堂踊

如初出門亦如之

前道也如初者出如入降如升三者之節悲哀同

右祝告利成尸出

祝反入徹設于西北隅如其設也凡在南廂用席

改設饌者

不知鬼神之節改設之庶幾歆饗所以為厭飫也凡在南變右文明東面不南面漸也廂隱也于廂隱之處從其幽闇○如其設謂改設尸之薦俎敦于西北隅次第一如陰厭時設法也註漸也以設几與吉祭同為向吉之漸廂用席疏以為以席為障使之隱較註有異○廂扶未反厭一艷反

祝薦席徹入于房

祝自執其俎出

徹薦席者執事者祝薦席則初自房來

贊盥牖戶

鬼神尚居幽闇

或者遠人平贊佐食者

右改設陽厭

主人降賓出

宗人詔主人降賓則出廟門

主人出門哭止皆復位

門外

未入

宗人告事畢賓出主人送拜稽顙

送拜者明于大門外也賓執事

者皆去即徹室中之饌者兄弟也

右禮畢送賓

記

虞沐浴不櫛

沐浴者將祭自潔清不櫛未在於飾也唯三年之喪不櫛期以下櫛可也今文曰沐

浴

陳牲于廟門外北首西上寢右

言牲腊在其中西上變吉寢右者當升左

胖也。腊用樛檀弓曰：既反哭，主人與有司視日中而行虞牲。○疏云：案少牢二牲，東上是吉祭，東上。

事

朝葬日中而虞，君子舉事必用辰正也。再虞三虞皆質明。

記沐浴陳牲及舉事之期

殺于廟門西，主人不視豚解。

主人視牲不視殺，凡為喪事畧也。豚解解前後脰脊。

脅而已熟，乃體解升於鼎也。今文無廟。○疏云：特牲吉祭，故主人視牲又視殺。

羹飪升左肩臂。

臠胾胙脊，膾離肺膚祭三取諸左臠上，肺祭一實于上。

鼎

肉謂之羹，飪熟也。脊脊正脊正脊也。喪禮畧七體耳。離肺舉肺也。少牢饋食禮曰：舉肺一長終，肺祭肺三。

皆判臠胙肉也。古文曰：左股上字從肉從爻，爻矛之爻聲。○士之正祭禮九體，此七體故云畧引少牢禮明此。

舉肺祭肺之制亦然膚祭擇肉之美者以備祭○肥音純臙音益

升魚鱔鮓九實于中

鼎

差減之○特牲魚十有五此畧而用九

升腊左胖髀不升實于下鼎

亦腊

七體牲之類

皆設局鼐陳之

嫌既陳乃設局鼐也今文局作鉉古文鼐作密

載猶進

柢魚進髻

猶猶士喪既夕言未可以吉也柢本也髻脊也今文柢為眡古文髻為耜○吉祭牲進下

魚進腴變於食生此喪祭與吉反是未異於生人也

祝俎髀胹脊脅離肺陳于階

間敦東

不升於鼎賤也統於敦明神惠也祭以離肺下尸○尸祭用剗肺

記牲殺體數鼎俎陳設之法

淳尸盥執槃西面執匱東面執巾在其北東面宗人授

中南面

繫以盛棄水為淺汙人也執巾不授中卑也○淺音義如濺○淺音箭

記沃尸面位

主人在室則宗人升戶外北面

當詔主人室事○經唯言主人在堂宗人所詔

之事

佐食無事則出戶負依南面

室中尊不空立尸牖之間謂之依

記宗人佐食面位

鉶芼用苦若薇有滑夏用葵冬用苴有杞

苦若茶也苴蒿類也乾則

滑夏秋用生葵冬春用乾苴古文苦為枯今文或作苴○苴音九夏葵冬苴皆所以為滑也芼音毛

豆實

葵菹菹以西羸醢籩棗烝栗擇

棗烝栗擇則菹刊也棗烝栗擇則豆不獨籩有

也 簾

記劔毫與豆籩之實

尸入祝從尸

祝在主人前也嫌如初時主人倚杖入祝從之初時主人之心尚若親存宜自親之

今既接神祝當詔侑尸也

尸坐不說屨

侍神不敢燕惰

尸謖祝前鄉尸

前道也祝

道尸必先鄉之為之節

還出尸又鄉尸還過主人又鄉尸還降階

又鄉尸

過主人則西階上不言及階明主人見尸有蹶踏之敬

降階還及門如出

尸

及至也言還至門明其間無節也降階如升時將出戶門如出戶時皆還向尸也每將還必有辟退之容凡

前尸之禮儀在此○祝之道尸必先以面鄉尸乃轉身前行謂之還上降階謂正降時此時祝以面鄉尸下降

階謂既降時祝則轉身前行直至及門乃又鄉尸也

尸出祝反入門左北面復位

然後宗人詔降

○復位上文祝入門左北面之位詔降詔主人降

尸服卒者之

上服

上服者如特牲士玄端也不以爵升服為上者祭於君之服非所以自配鬼神士之妻則宵衣耳

男男尸女女尸必使異姓不使賤者

異姓婦也賤者謂庶孫之妾也尸配

尊者必使適也○喪祭男女別尸吉祭則共尸必使異姓謂女尸以婦不以族女

記虞尸儀服與侍尸之儀為尸之人

無尸則禮及薦饌皆如初

無尸謂無孫列可使者也殤亦是也禮謂衣服即位升降

○喪祭而無尸者其衣服位面升降之禮與薦饌之具皆與有尸者同

既饗祭于苴祝祝

卒

記異者之節

不綏祭無泰羹湑載從獻

不綏言獻記終始也事尸之禮始於

綏祭終於從獻綏雷為墮

主人哭出復位

於祝祝卒○其不同者當饗祝既卒無墮祭以下事

尸之禮主人即哭出復戶外東面位

祝闔牖戶降復位于門西

門西北面位也

男

女拾踊三

拾更也三更踊○疏云凡言更踊者主人踊主婦踊賓乃踊三者三為拾也○拾其業反

如食間

隱之如尸一食九飯之頃也

祝升止哭聲三啓戶

聲者噫歎也將啓戶

警覺神也今文啓為開

主人入

親之祝從啓牖鄉如初

牖先闔後啓扇在內也鄉

牖一名也如初者主人入祝從在左

主人哭出復位

堂上位也○仍前戶外東面

卒徹

祝佐食降復位

祝復門西北面位佐食復西方位不復設西北隅者重閉牖戶褻也

宗人

詔降如初

初贊闕牖戶宗人詔主人降之○禮畢降堂宗人詔之亦如上經也

右虞祭無尸者陰厭之儀

始虞用柔日

葬之日日中虞欲安之柔日陰取其靜○古人葬日例用柔日

曰哀子某

哀顯相夙興夜處不寧

曰辭也祝祝之辭也喪祭稱哀顯相助祭者也顯明也相助也

詩云於穆清廟肅雍顯相不寧悲思不安

敢用絜牲剛鬣

敢昧冒之辭豕曰剛鬣

香合

黍也大夫士於黍稷之號合言普淖而已此言香合蓋記者誤爾辭次黍又不得在薦上○疏云曲禮所云黍

稷別號是人君法

嘉薦普淖

嘉薦菹醢也普淖黍稷也普大也淖和也德能大和乃有黍稷故以

為號云○淖若孝反音闌

明齊淲酒

明齊新水也言以新水淲釀此酒也郊特牲曰明水況齊貴新

也或曰當為明視謂免腊也今文曰明粢淦稷也皆非其次今文搜為醲

哀薦祫事

始虞謂之祫事

者主欲合先祖也以與先祖合為安今文曰古事

適爾皇祖某甫

爾女也女死者告之以適

皇祖所以安之也皇君也某甫皇祖字也若言尼甫

饗勸強之也

再虞皆如初曰哀薦

虞事

丁日葬則已日再虞其祝辭異者一言耳○皆如初謂用日祝辭皆與初虞同

三虞卒哭

他用剛日亦如初曰哀薦成事

當祔於祖廟為神安於此後虞改用剛日剛日

陽也陽取其動也士則庚日三虞壬日卒哭其祝辭異者亦一言耳他謂不及時而葬者喪服小記曰報葬者報虞三月而後卒哭然則虞卒哭之間有祭事者亦用剛日其祭無名謂之他者假設言之文不在卒哭上者以其非常也令正者自相亞也檀弓曰葬日中而虞弗忍一日離也是日也以虞易奠卒哭曰成事是日也以

吉祭易喪祭明日祔於祖父如是虞為喪祭卒哭為吉祭今文他為它○愚按鄭以經文他字為有非常之祭似涉強解此殆羨文不然當在亦字上謂他祝辭耳○報讀為赴疾之赴

記三虞卒哭用日不同及祝辭之異者

獻畢未徹乃餞

卒哭之祭既三獻也餞送行者之酒詩云出宿于汔飲餞于禰尸旦將始祔于

皇祖是以餞送之古文餞為踐○卒哭祭之明日將祔于廟故卒哭祭畢餞之於寢門之外此下所記即其儀也

尊兩甔于廟門外之右少南水尊在酒西勺北枋

南

將有事於北有玄酒即吉也此在西尚凶也言水者喪質無鼎不久陳古文甔為廡也○廟門寢門也

洗

在尊東南水在洗東篚在西

在門之左又少南

饌籩豆脯四胾

酒宜脯也古文脰為挺○脯以為護實也

有乾肉折俎二尹縮祭半尹在西

塾

乾肉牲體之脯也如今涼州鳥翅矣折以為俎實優尸也尹正也雖其折之必使正縮從也古文縮為威

○二正體縮陳俎上又截正體之半以備授祭

尸出執几從席從

祝入亦告利成入前尸尸

乃出几席素几輦席也以几席從執事也

尸出門右南面

俟設席也

席設于尊西

北東面几在南賓出復位

將入臨之位士喪禮賓繼兄弟北上門東北面西上門西

北面東上西方東面北上

主人出即位于門東少南婦人出即位于

主人之北皆西面哭不止

婦人出者重餞尸○疏云婦人有事自堂及房而已今出

寢門之外故云重餞尸也

尸即席坐唯主人不哭洗廢爵酌獻尸尸

拜受主人拜送哭復位薦脯醢設俎于薦東胸在南

脯胸

及乾肉之屈也屈者在南變於吉○曲禮云以脯脩置者左胸右末是吉時屈者在左今尸東面而云胸在南則屈在右末在左故云

授臠

授乾肉之祭

尸受振祭臠反之祭酒卒爵奠于南方

反之

反於佐食佐食反之於俎尸奠爵禮有終○爵不酢而奠之是為禮有終

主人及兄弟踊婦

人亦如之主婦洗足爵亞獻如主人儀無從踊如初賓

長洗醵爵三獻如亞獻踊如初佐食取俎實于篚尸謖

從者奉篚哭從之祝前哭者皆從及大門內踊如初

男女

從尸男由左女由右及至也從尸不出大門尸出門哭者由廟門外無事尸之禮也古文謬作休

者止

以餞於外大門猶廟門

賓出主人送拜稽顙

送賓拜於大門外。從尸不出

大門者有事尸限送賓大門外自是常禮但禮有終賓無答拜之禮也

主婦亦拜賓

女賓也不

言出不言送拜之於闈門之內闈門如今東西掖門

丈夫說經帶于廟門外

既卒哭當

變麻受之以葛也夕日則服葛者為祔期今文說為稅。是日之夕主人因告賓祔期則服葛帶也

入徹

主人不與

入徹者兄弟大功以下言主人不與婦人說

首經不說帶

不說帶齊斬婦人帶不說也婦人少變而重帶帶下體之上也大功小功者葛帶時

亦不說者未可以輕文變於主婦之質至祔葛帶以即位檀弓曰婦人不葛帶。檀弓所言亦謂婦人服齊斬

者大功以下是日雖不說麻無尸則不餞猶出几席設明日祔祭則葛帶以即位矣

如初拾踊三

以餞尸者本為送神也丈夫婦人亦從几席而出古文席為筵○雖無尸送神不異

故云如初

哭止告事畢賓出

記卒哭祭畢餞尸與無尸可餞者送神之禮

死三日而殯三月而葬遂卒哭

謂士也雜記曰大夫三月而葬五月而卒哭諸

侯五月而葬七月而卒哭此記更從死起異人之間其義或殊○疏云士三日殯三月葬皆通死日死月數是以士之卒哭在三月內大夫以上殯葬除死日死月數大夫三月葬除死月則通四月又有五虞則卒哭在五

月諸侯以上可知註異人謂記者不一人故言有更端

將旦而祔則薦

薦謂卒哭之祭○旦

謂明日之旦

卒辭曰哀子某來日某隣祔爾于爾皇祖某甫

尚饗

卒辭卒哭之祝辭隣升也尚庶幾也不稱饌明主為告祔也今文隣為齊○疏云迎尸之前祝釋孝

子辭云爾

女子曰皇祖妣某氏

女孫祔於祖母

婦曰孫婦于皇祖姑

某氏

不言爾曰孫婦差疏也

其他辭一也

來日某隣祔尚饗

饗辭曰哀子

某圭為而哀薦之饗

饗辭勸強尸之辭也圭絜也詩曰吉圭為饔凡吉祭饗尸曰孝子○

疏云祔及練祥吉祭其辭亦用此但改哀為孝耳

記卒哭祭告祔於神之辭與饗尸之辭

明日以其班祔

卒哭之明日也班次也喪服小記曰祔必以其昭穆亡則中一以上凡祔已復

于寢如既裕主反其廟練而後還廟古文班或為辨辨
氏姓或然今文為胖○疏云祔祭與練祭祭在廟祭訖
主反於寢其大祥與禫祭祭其主自然在寢祭之案下
文禫月逢四時吉祭之月即得在廟祭但未配而已沐
浴櫛搔翦彌自飾也搔當音爪今文曰沐浴搔翦或用

專膚為折俎取諸胙臠

專猶厚也折俎謂主婦以下俎也體盡人多折骨以為之今以

胙臠貶於純吉今文字為折俎而說以為折俎亦甚誣
矣古文胙臠為頭蓋也○吉祭折俎用體骨此用膚為
不同○其他如饋食如特牲饋食之事或云以左胖虞

臠音蓋

其他如饋食

右胖祔今此如饋食則尸俎所俎

皆有肩臂豈復用虞臂乎其不然明矣○疏云上文有
俎則夫婦致爵以祔時變麻服葛其辭稱孝夫婦致爵
與特牲同註或云以下鄭君以經文破當時左胖虞右胖祔之說也

用嗣尸

虞祔尚質未暇筮尸○用

嗣尸者從虞至祫相繼嗣而用一尸也

曰孝子某孝顯相夙興夜處小心

畏忌不惰其身不寧

稱孝者吉祭

用尹祭

尹祭脯也大夫士祭無云脯者今不

言牲號而云尹祭亦記者誤矣

嘉薦普淖普薦漑酒

普薦銅羹不稱牲記其異者今文漑

為醕適爾皇祖某甫以濟祫爾孫某甫尚饗

欲其祫合兩告之曾子問

曰天子崩國君薨則祝取羣廟之主而藏諸祖廟禮也卒哭成事而後主各反其廟然則士之皇祖於卒哭亦反其廟無主則反廟之禮未聞以其幣告之乎○上句告死者下句謂皇祖

記祫祭之禮與告祫之辭

基而小祥

小祥祭名祥吉也檀弓曰歸祥肉古文基皆作基

曰薦此常事

祝辭之異

者言常者基而祭禮也古
文常為祥○此謂練祭

又基而大祥曰薦此祥事又

也○初喪至
此二十五月

中月而禫

中猶間也禫祭名也與大祥間
一月自喪至中凡二十七月禫

之言澹澹然平安意也古
文禫或為導○禫徒感反

是月也吉祭猶未配

是月是
禫月也

當四時之祭月則祭猶未以某妃配某氏哀未忘也少
牢饋食禮祝祝曰孝孫某敢用柔毛剛鬣嘉薦普淖用
薦歲事于皇祖伯某以某妃配某氏尚饗○疏云謂是
禫月得禫祭仍在寢此月當四時吉祭之月則於廟行
四時之祭於羣廟而猶未得以某妃配
註引少牢祝辭明吉祭用配之常也

記小祥大祥禫祭吉祭之節與祝辭之異

儀禮鄭註句讀卷十四